



RIPOTI FA'ALE-TAUSAGA

2023-2024

**MATAGALUEGA O LE
SOIFUA MALOLOINA**



GOVERNMENT OF SAMOA

P.O. Box 2268

Government Building

Apia, Samoa.

Email: healthminister@health.gov.ws

Private Contact: (0685) 25352

Office: (0685) 68100 Ext. 101

(0685) 23786 / 23621

Fax No: (0685) 25057.

OFFICE OF THE MINISTER OF HEALTH

**Ofisa o le Minisita o le Soifua Maloloina, Iunivesite Faafoma'i o le Oceania, Falema'i
Faaitumalo ma Komiti Tumama a Tina**

MINISITA LAGOLAGO O TAUUI O FAALAVELAVE FA'AFUASE'I

Afioga Fofoga Fetalai

Fono Aoao Faitulafono o Samoa

MULINU'U

19 Aukuso 2025

Afioga e,

E avea o a'u e fai ma sui ole Matagaluega ole Soifua Maloloina, e tuuina aloaia atu ai le Ripoti Fa'ale-Tausaga a le Matagaluega mo lona faatalanoaina ile fonotaga a le Fono Aoao Faitulafono a Samoa.

E tusa ai ma le Tulafono o le Matagaluega o le Soifua Maloloina 2006 (toe teuteuina ile 2019), o lenei ripoti o lo o fa'aailoa atu ai galuega fa'atino a le Matagaluega mo le Tausaga Fa'ale-Tupe fa'ai'uina ia Iuni 2024. O fa'amatalaga ma fa'amaumauga e pei ona tu'uina atu i lenei ripoti, o lo o fa'avae mai i galuega fa'atino a le Matagaluega.

Ma le agaga fa'aaloalo lava,

A handwritten signature in blue ink, appearing to read 'Valasi Luapitofanua'.

Hon. Valasi Luapitofanua To'ogamaga Selesele

MINISITA O LE SOIFUA MALOLOINA

UPU TOMUA



E ia te au le ava ma le fa'aaloalo e fa'ailoa aloaia atu ai le Ripoti lona lima ale Matagaluega ole Soifua Maloloina talu mai lona tuufaatasiga ma le auaunaga ia Fepuari 2019. O lenei ripoti o loo atagia ai galuega sa ausia ma faatino ile Tausaga Faa'a-le-tupe 2023 – 2024. O galuega uma o loo taua e fesootai atu lona faatinoga i vaega o loo ave iai le faamuamua fa'a-soifua maloloina o loo ile Taiala mo le Atina'e o Samoa 2021/22 – 2025/26 ma le Fuafuaga Alualu Mamao mo Vaega Eseese o le Soifua Maloloina 2019/20 – 2029/30.

O vaega tetele e tolu ole Soifua Maloloina, Vaega o Faiga Faavae ma Auaunaga Lagolago, Auaunaga mo le Soifua Maloloina Lautele ma le Auaunaga mo Togafitiga ma Falema'i, o loo galulue soosoo tauau e tuuina atu le auaunaga ile mamalu lautele o Samoa ma faatino la latou matafaioi e unaia ai le soifua maloloina.

O loo taulai pea le silasila ale matagaluega ile fa'amalosia ma le siitia o auaunaga faasoifua maloloina lautele, o le toe fa'amalosia o Auaunaga Aoao Tetele ole Soifua Maloloina aemaise o le lelei atiae ole faatinoina o le auaunaga, ina ia mautinoa le maua pea e tagata Samoa ose lumanai manuia ma le tulaga lelei ole auaunaga e ofoina atu. O le fa'amoemoega autu, ia lava tapena le matagaluega ma ia mautinoa o loo malu puipuia tagata Samoa uma e manaomia le auaunaga ale Soifua Maloloina.

O loo fa'aaauu pea galuega a le Matagaluega mo le fa'alauteleina o le auaunaga soifua maloloina ina ia mafai ona maua uma e tagata lautele Togafitiga ma tali atu foi i taimi e manaomia ai. E aofia i nei galuega fa'aaauu le toe faalelei atili o falemai, unaia le auaunaga e ofoina atu, ma mautinoa o loo maua uma e le lautele e aofia ai nuu o Apolima-tai ma Manono-tai le auaunaga.

E le mafai ona faagaloina le lagolagosua a Paaga mo le Faatupeina o Atinae tau soifua maloloina, o lo latou sao ua tamaoaiga ai le taumafaiga ole Auaunaga. E le gata ina lagolago ma tali sapaia talosaga mo le fa'atupeina o polokalame, ae o le lagolago foi ile auina mai o tagata tomai faapitoa i lea matafaioi ma lea matafaioi, faatasi ai foi ma le fausia o fale e tua iai le auaunaga. Ua aveava lava nei fesoasoani ma vaega e fa'amalosia ai galuega mo le auaunaga, toe fausia ma siitia fausaga o falemai ma faatumauina le lelei ole Atinae o soifua maloloina.

Ma le fa'aaloalo lava



Hon. Valasi Luapitofanua Toogamaga Selesele
MINISITA O SOIFUA MALOLOINA

FEAU TAUMOMOLI



O le fa'amoemoega autu o loo galulue iai le Matagaluega, ia siitia ma fa'amalosia le auaunaga faa-soifua maloloina. O lenei Ripoti Faa-le-Tausaga 2023/2024 o loo auiliili atu ai vaega ma taumafaiga o galuega sa faatino ua ausia e le Matagaluega.

O loo fa'aauauina pea galuega fa'atulafonoina a vaega tetele e tolu o le matagaluega mo le ofoina atu ole auaunaga soifua maloloina, fa'amalosia o polokalame faatino e unaia ai le soifua maloloina lautele, ma le mautinoa o le usitaia ma le mulimulitaia o faiga fa'atulafonoina ale Soifua Maloloina.

O le fa'atuputupulaia o manaoga tau soifua maloloina, ua silasila ai foi le matagaluega, ile fa'alauteleina ole auaunaga e ala ile Tuufaatasia o vaega taua mai tomai faapitoa ese'ese, aemaise o le unaia o le faatinoina o polokalame mo le Soifua Maloloina mo suesuega o faamai le pipisi i Nu'u ma Alalafaga. O nei metotia ua o se au'upega taua tele ile unaia ole vave mautinoa o faamai ma alafua mo Togafitiga, ma le fa'amalosia o faatinoga a le matagaluega ina ia tuuina atu le auaunaga e laugatasia ai tagata uma.

E le faagaloina le lagolagosua ma le galulue fa'a-paaga aemaise ole sao taua mai matagaluega esese a le malo, o fa'alapotopotoga tumaoti, paaga lagolagosua mo le fa'atupeina o Atinae fa'a-soifua maloloina aemaise o i latou uma o e ofoina atu le auaunaga e lagolago ai i galuega faatino. O la outou galuega faifaipea, ua manuia ma sologa lelei ai faatinoga o polokalame ma galuega ale soifua maloloina.

O loo tumau pea le agavaa ma le lelei tausia o aga tausili a tagata faigaluega ile faatinoina o galuega. O la latou lagolagosua o loo atagia ai le usitaia ma le mulimulitaia o Tulafono, Faiga Faavae, ma Alafua, o loo lima taitaiina ai matafaiioi ina ia malu puihua auaunaga Aoa Tetele, ma ia faatumauina ai le lelei atoatoa o le auaunaga faa-soifua maloloina.

E ui ina iai luitau fa'aauau mai tausaga ua mavae, ae o loo tulimatai pea le fa'amuumua o loo unaia malosia ai le auaunaga o le manuia mo tagata. E matou te mautinoa o le lagolagosua mai le tagata lautele, ole Malo o Samoa, faatasi ma le taitaiga mana a le Atua o loo mafai ai ona faataunuuna ma le manuia galuega uma.

Ma le fa'aaloalo lava.



Auli'imalae Tagaloa Dr. Robert Thomsen
SUI OFISA SILI OLE SOIFUA MALOLOINA

FA'APU'UPU'UGA O UPU MA O LATOU FA'ALAUTELEGA

FA'APU'UPU'UGA	FA'ALAUTELEGA
ACEO	Ofisa Sili Lagolago
AMR	Fa'aitiitia le aoga o Fualaau Tui
BFHI	Polokalame Tau Falema'i mo Pepe
BWC	Kamupani Gaosi Vai Taumafa
CEO	Ofisa Sili Lagolago
CSU	Vaega o Auaunaga Autasi
DGoH	Faatonu Sili o le Soifua Maloloina
EML	Lisi o Vaila'au Tāua
EN	Tausisoifua Fa'amauina
ENT	Taliga, Isu, Fa'a'i
EPI	Polokalame Lautele mo Tui Puipui
FBDG	Ta'iala mo Taumafa ma Taumafa Tatau
F&P	Fa'afoeina o Tupe ma Fefa'ataua'iga
FY	Tausaga Fa'ale-Tupe
GoS	Malo o Samoa
HAC	Komiti Faufautua o le Soifua Maloloina
HCWM	Fa'afoeina o Otaota o le Soifua Maloloina
HEOC	Nofoaga Autu mo Fa'alavelave Fa'afuase'i o le Soifua Maloloina
HICT	Auaunaga tau Fa'atekonolosi mo Fa'amatalaga ma Feso'ota'iga tau le Soifua Maloloina
HISM&E	Auaunaga tau Fa'amatalaga o le Soifua Maloloina, Mata'ituina ma Iloiloga
HPAC	Komiti Faufautua o Polokalame o le Soifua Maloloina
HPED	Vaega o Puipuiga ma le Fa'amalosia o Tulafono o le Soifua Maloloina
HPV	Vairasi o le Iumeni Papiloma
HSCRMD	Vaega e Fa'afoeina ma Mata'ituina le Fa'aolo'aga o le Soifua Maloloina
HSP	Fuafuaga Fa'ata'atia Alualu Mamao o le Soifua Maloloina
IA	Su'etusi Tutotonu
ICD	Faailoga Faavaomalo e faamauina ai Gasegase
ICHAP	Polokalame Tu'ufa'atasi o le Soifua Maloloina
IHR	Tulafono Faatonutonu Fa'ava-o-Malo o le Soifua Maloloina
IWS	Suavai Tuma'oti
MESC	Matagaluega o Aoga, Ta'aloga ma Aganu'u
MNRE	Matagaluega o Punaoa Fa'ale-Natura ma le Siosiomaga
MOF	Matagaluega o Tupe
MOH	Matagaluega o le Soifua Maloloina
MTII	Falema'i o Malietoa Tanumafili II
MWCSD	Matagaluega o Tina ma Tama'ita'i, Atina'e o Nu'u ma Aga Feso'ota'i
NCDs	Fa'ama'i Ogaoga e a'afia ai Totoga
NDWS	Alafua o Suavai Taumafa
NEOC	Nofoaga Autu o Fa'alavelave Fa'afuase'i a le Malo
NHS	Auaunaga o le Soifua Maloloina
NZMT	Polokalame o Togafitiga i Atunu'u i fafo a Niu Sila
OVT	Togafitiga i Atunu'u i fafo
PEN	Auupega Fa'aaogaina mo le Fa'afoeina ma le Mata'ituina o Fa'ama'i Ogaoga e a'afia ai Totoga
PLIMS	Fa'agasologa o Galuega e Mata'ituina ai Galuega Fa'atino i Faletalavai
PPE	Meafaigaluega mo Puipuiga

QAIPC	Fa'amautinoaga o Tulaga lelei ma le Puleaina o Siama
RCCE	Feso'ota'iga mo Tulaga Lamatia ma le U'una'ia o le Galulue Fa'atasi ma le Mamalu Lautele
RN	Tausisoifua Resitalaina
SAM	Tulaga Matuiā o le lē lava o le Taumafa i Mea'ai
SHPP	Polokalame Fa'apa'aga a le Soifua Maloloina a Samoa
SMTS	Polokalame mo Togafitiga i Atunu'u i Fafu a Samoa
SNBH	Samoa National Broadband Highway
SPPRD	Auaunaga tau Fuafuaga Alualu Mamao, Faiga Fa'avae ma Su'esu'ega o le Soifua Maloloina
STI	Siama e afua mai i Feusua'iga
SWA	Pulega o le Suavai a Samoa
TB	Fatafata Vaivai
TBA	Fa'atosaga Samoa
TTM	Falema'i o le Tupua Tamasese Meaole
UNFPA	Fa'alapotopotoga a Malo Aufa'atasi mo Fesoasoani Tau tupe mo Tagatanu'u
UNICEF	Fa'alapotopotoga a malo Aufa'atasi mo Fesoasoani tau tupe mo fa'alavelave fa'afuase'i patino i fanau
WB	Faletupe o le Lalolagi
WBFW	Vaiaso o le Fa'amanatuina o le Tāua o le Suāsusu o le Tinā
WHO	Fa'alapotopotoga o le Soifua Maloloina o le Lalolagi

FA'ASINO UPU

Upu Fa'asino	Itulau
Fa'ailoilo o le Soifua Maloloina	13
FA'ATULAGAGA O LE MATAGALUEGA O LE SOIFUA MALOLOINA.....	15
AUFAIGALUEGA A LE MATAGALUEGA O LE SOIFUA MALOLOINA.....	16
TALA FA'ATATAU O LE TUPE MO LE TAUSAGA FA'ALETUPE 2023/24.....	18
GALUEGA AUSIA A LE MATAGALEUGA O LE SOIFUA MALOLOINA MO LE TAUSAGA FA'ALETUPE 2023/24 MAI POUTŪ E 3 O LE AUAUNAGA	22
POUTU 1: FAIGA FAAVAE, TULAFONO, FAAFOEGA MA AUAUNAGA LAGOLAGO O LE SOIFUA MALOLOINA.	23
Vaega 1 : Ofisa o le Faatonu Sili o le Soifua Maloloina	23
Vaega 2 : Ofisa ole Minisita o le Soifua Maloloina.....	25
Vaega 3: Fuafuaga Alualu Mamao, Faiga Fa'avae ma Su'esu'ega o le Soifua Maloloina	26
Vaega 4: Faamautinoaga o Tulaga Lelei o Auaunaga o le Soifua Maloloina ma le mata'ituina o siam.	29
Vaega 5: Resitala ma le Atinaega o Tomai Faapitoa ole Soifua Maloloina	31
Vaega 6: Vaega o Auaunaga e Mata'ituina Faama'i ma le Tulafono Faatonutonu Faava-o-Malo o le Soifua Maloloina.....	33
Vaega 9: Auaunaga Faatekonolos mo Faamatalaga ma Feso'otaiga o le Soifua Maloloina	
Vaega 10: Vaega e Mata'ituina le Faafoega ma le Fa'aoloaga o le Soifua Maloloina.....	40
POUTŪ 2: AUAUNAGA TAU FALEMA'I.....	42
Vaega 11: Falemai Tupua Tamasese Meaole (TTM).....	42
Vaega12: Auaunaga Tau le Su'esu'eina o le Toto ma Fa'ama'i.....	43
Vaega 13: Vaega o Auaunaga Tau Faata	44
Vaega 14: Auaunaga mo le Soifua Maloloina o Nifo.....	46
Vaega 15: Auaunaga Tau Faletalavai.....	47
Vaega 16: Auaunaga ile Falema'i Malietoa Tanumafili II	48
Vaega 17: Auaunaga Tuufaatasi Tau Tausisoifua	49
POUTŪ 3: AUAUNAGA MO LE SOIFUA MALOLOINA LAUTELE.....	51
Vaega 18:.....Auaunaga Tau Puipuiga ma le Faamalosia o Tulafono o le Soifua Maloloina	51
Vaega 19:Fa'afoga o Polokalame o le Soifua Maloloina, Siitia o le Soifua Manuia ma Aoaoga Faalauiloa.	53
Vaega 20:Auaunaga i Falema'i Fa'aitumalo ma Nu'u i Tua	58
LU'ITAU	60
UPU FA'AI'U.....	61

FA'ATOMUAGA

O lenei Ripoti o loo fa'amaumauina ai galuega sa faatino ma ausia e le Matagaluega ile tausaga fa'a-le-tupe ua mavae. O loo fa'amaumauina foi le aotelega o le tulaga o loo iai le soifua maloloina ma lona faatinoga o le mulimulitaia o vaega aupito sili ona manaomia mo le soifua maloloina lautele. O loo atagia foi i lenei ripoti le faasologa o galuega mai vaega eseese, faapea poloketi o loo lagolago ai le Atinaeina o le Soifua Maloloina.

O le fa'ailoilo o suiga lelei ma le talafeagai o loo atagia i auaunaga fa'a-soifua maloloina, o loo fa'afoe e falemai, tagata faigaluega ma auaunaga lagolago, ina ia siitia ai le usitaia o tulafono ma alafua fa'a-soifua maloloina. O nei vaaiga taua i suiga ua molimauina ile soifua maloloina o tagata, fa'atinoga saogalemu ma le agai i luma o le auaunaga.

Ua au'ili'ili atu galuega tetele sa faatino mo le lelei tausaga ole auaunaga ole Soifua Maloloina.

VA'AIGA AOAOTETELE O LE SOIFUA MALOLOINA

Faitau Aofai o Tagata

O le Tusigaigoa o Tagata ma Fale o le 2021, na ripotia mai ai le faitau aofai o tagata Samoa e 205,557. E 104,854 o alii ae 100,703 o tamaita'i. Ua siitia le faitau aofai o Samoa ile 4.9% ile va o le 5 tausaga (2016 – 2021). E pei ona iai le vaaiga fa'aataata a le Ofisa o Fuainumera Faamaumauina 2022, o le aofai o tagata Samoa o lea siitia atu ile 207,473 e tusa lea ma le 0.9% e faatupulaia ai ile tausaga mo le tausaga 2022. I le faitau aofai o tagata Samoa 205,557, e 38.5% o i latou e lalo atu ole 15 tausaga le matutua, ae 5.5% o i latou e 65 ma luga atu tausaga. O le isi Tusigaigoa o lumanai o lea faataunuuina ile 2026.

Faamaumauga o e Maliliu, Gasegase Taofia ma Gasegase Auina atu i Atunuu Mamao

Pusa 1: Fa'amai e 10 Pito i Luga e Mafua ai ona Taofia Gasegase i Falemai

TF2022-2023		TF2023-2024	
1. Siamata Mata'utia e Afaina ai le Pito i Luga o le Manava	22,096	1. Suiga o Fusiga mo manuaga ole tino	12,656
2. Siamata Mata'utia e Afaina ai le Pito i Lalo o le Manava	14,298	2. Siamata Mata'utia e Afaina ai le Pito i Luga o le Manava	11,927
3. Fulū e fesootai ma isi auga tugā o mā'i	3,637	3. Siamata Mata'utia e Afaina ai le Pito i Lalo o le Manava	7729
4. Niumonia	3,075	4. Tiga maso ole Tino	5998
5. Fula o le Manava	2,826	5. Tala faalua ole Talavai	4640
6. Tanesusu	314	6. Fula o le Manava	2934
7. Meaai oona e afua ai le manava tatā	214	7. Toto Maualuga	2662
8. Faamai Mata	128	8. Afaina o le ala ea	2228
9. Manava tatā	50	9. Tale	2018
10. Tale Vivini/Tale Umi	37	10. Gugu	1777

Punaoa: Medical Records 2025

Pusa 2: Faamai e 10 Pito i Luga e Mafua ai ona Maliliu Gasegase

FY2022/2023		FY2023-2024	
1. Gasegase o le Fatu	141	1. Tigā Tugā o le Tino e afua mai Siamā	121
2. Tigā Tugā o le Tino e afua mai Siamā	110	2. Tātāvāle o le Fatu	90
3. Pe fa'afuasei o le Fatu	71	3. Gasegase o le Fatu	89
4. Tātāvāle o le Fatu	70	4. Pe fa'afuasei o le Fatu	86
5. Totoga o le tino ua lē aoga	37	5. Le lava le toto ile tino e ola ai le fatu	65
6. Pa'u Fa'afuasei o le Fua o le Toto	31	6. Kanesa	48
7. Fa'amai o le Pepē o Musele ole Tino	26	7. Pepē o Musele ole Tino	47
8. Le lava le toto ile tino e ola ai le fatu	16	8. Leaga Ala ea	34
9. Niumonia	15	9. Niumonia	27
10. Lē lava le okesene ile tino	13	10. Lē lava le okesene ile tino	11

Punaoa: Medical Records 2025

Pusa 3: Mafuaaga e 10 Pito i Luga e Mafua ai ona Auina Gasegase i Atunuu i Fafu mo Togafitiga


FY2022/2023		FY2023-2024	
1. Ma'i fatu e mafua mai le laititi ole toto e agai iai	23	1. Gasegase Tigaina	63
2. Fiva Rumatika	20	2. Gasegase manaomia Taotoga	52
3. Ma'i Fatu na afua mai le taimi na fanau ai	4	3. Gasegase o Mata	15
4. Ma'i Suka	3	4. Gasegase o Taliga, Isu ma Fa'ai	14
5. Gasegase o Mata	7	5. Gasegase Maliliu	8
6. Kanesa o le Toala Fanau	5	6. Gasegase o Ponaivi	7
7. Kanesa ole Fa'aaui Tagata	5	7. Gasegase o Tina To Tao'oto	7
8. Kanesa ole susu	10	8. Gasegase mo Sitiseni Niusila	6
9. Kanesa o le Taufale	8	9. Gasegase Faafuasei	3
10. Fa'amai o le Musele ole Faii	6	10. Gasegase o Nifo	2

Punaoa: Medical Records 2025

Mafua'aga Ta'imua o le Auina atu o Gasegase i Atunuu i Fafu mo Togafitiga, Gasegase Taofia i Falemai ma Maliliu

O le Ata 1 o loo i lalo o loo tuuina atu ai le aotelega o mafua'aga autu e sefulu mo vaega e tolu sa taua mo le Tausaga Fa'ale-tupe 2023-2024.

Ata 1: Mafua'aga Ta'imua e 10 o Gasegase Taofia i Falemai, Gasease Maliliu ma Gasegase auina i fafo mo Togafitiga

 Matagaluega o Soifua Maloloina RIPOTI FA'ALE-TAUSAGA 2023 – F2024		
MAFUA'AGA 10 MO GASEGASE AUINA I FAFO	MAFUA'AGA 10 MO GASEGASE MALILIU	MAFUA'AGA 10 MO GASEGASE TAOFIA I FALEMAI
Gasegase Tigaina 63	Tigā Tugā o le Tino e afua mai Siamā 121	Suiga o Fusiga mo manuaga ole tino 12656
Gasegase Manaomia Taotoga 52	Tātāvale o le Fatu 90	Siamā Mata'utia e Afaina ai le Pito i Luga o le Manava 11927
Gasegase o Mata 15	Gasegase o le Fatu 89	Siamā Mata'utia e Afaina ai le Pito i Lalo o le Manava 7729
Gasegase o Taliga, Isu & Fa'ai 14	Pe fa'afuasei o le Fatu 86	Tiga Maso ole tino 5998
Gasegase Maliliu 8	Le lava le toto ile tino e ola ai le fatu 65	Tala faalua ole Talavai 4640
Gasegase o Ponaivi 7	Kanesa 48	Fula o le Manava 2934
Tina To Ta'ooto 7	Pepē o Musele ole Tino 47	Toto Maualuga 2662
Gasegase mo Sitiseni Niusila 6	Leaga Ala ea 34	Afaina ole ala ea 2228
Gasegase Faafuasei 3	Niumonia 27	Tale 2018
Gasegase o Nifo 2	Lē lava le okesene ile tino 11	Gugu 1777

Source: * Overseas Treatment Unit, ** TTM PATIs, *** TTM PATIs

Tulaga Fa'avae o le Soifua Maloloina

1. Saogalemu o le Suavai

O le Vaega e Mata'itūina le Suāvai i lalo o le Vaega o Suesuega o Fa'ama'i & Tulafono Fa'atonutonu Fa'ava-o-Malo a le Matagaluega o le Soifua Maloloina, o lo o fa'atonuina fa'atulafono ma mata'itūina lelei le tulaga saogālemū ma le maloloina o le suavai taumafa. E aofia ai ma le mata'itūina o nofoaga o lo o tapu'e ai suavai e le Pulega o Suavai i Samoa, Suavai Tumā'oti fa'apea ma Kamupani o lo o gaosia le Suavai Taumafa. O le Alāfua mo Suavai Taumafa 2015, o lo o fa'aaogaina e mata'ituina ma iloilo ai le tausisia o le saogālemū ma le maloloina o le suavai taumafa. O le fa'afoeina o su'esu'ega o le suavai mai nofoaga o lo o tapu'e ai e le Pulega o le Suavai a Samoa ma Suavai Tuma'oti le suavai taumafa, e ta'i masina ma ta'i kuata ona fa'atinoina.

Nofoaga o lo o Tapu'eina ai le Suavai Taumafa e le Pulega o le Suavai a Samoa

Ua fa'amauiina le fa'atumauina pea ole tausisia e nofoaga o lo o fa'amamaina ai le suavai o le 100% o alafua mo le saogalemu ma le Maloloina o le suavai taumafa, ua faamauina le siitia o le tulaga tausisia mai le 78% sa iai le 2023 ile 93% ile 2024.

Suavai Tumā'oti a Samoa

Ua faamauina le siitia mauuluga o le tulaga mulimulitaia o vaega mo suavai tumaoti a Samoa. Ua fesoasoani tele le faapipiina o faamama o suavai ma ua siitia ai mai le 67% ile 2023 agai le 75% ile 2024 le mulimulitaia ma le usitaia o vaega manaomia.

Kamupani e Gaosia le Suavai Taumafa

E tusa ma le 88% ua ausia ai e kamupani e gaosia le suavai taumafa le lelei tausia o alafua a le Soifua Maloloina. E tasi le pasene ua siitia ai mai le 87% sa iai ile tausaga ua mavae.

2. Saogālēmū o Taumafa

O se tasi o matafaioi fa'atulafonoina a le Matagaluega o le Soifua Maloloina i lalo o le Tulafono o Taumafa 2015, Tulafono Fa'atonutonu o le Saogālēmū ma le Tulaga Lelei o Taumafa 2017, Tulafono o le Soifua Maloloina 1959 ma le Alāfua o le Saogālēmū o Taumafa, o le mata'ituina lea ma le fa'atonutonu fa'ale-tulafono o le saogālēmū o taumafa i nofoaga uma o lo o gaosia ai taumafa i totonu o Samoa, ma iloilo le tulaga o lo latou tausisia tulagaono ma alāfua nei mo le saogālēmū ma le maloloina o taumafa. O nei matafoi fa'atulafonoina, e patino tonu ile vaega o auaunaga mo le Saogālēmū o Taumafa, ma le Mata'ituina o le Taumafa Tapa'a i lalo o Auaunaga Tau Puipupiga ma le Fa'amalosiga o Tulafono o le Soifua Maloloina.

Asiasiga i Nofoaga e Gaosi ai Taumafa

O asiasiga e mataitu ma faafoe ai Nofoaga e gaosi ai Taumafa e tai kuata ma faatino. O le Vaega a le Saogalemu o Taumafa ma Fuafuaina o Taumafa Tapaa a le Matagaluega e faatinoina lea tulaga. O le tausaga faale-tupe lenei e tusa ma le 556 faleaiga ma fale gaosi taumafa na asiasia. E 92% faamauina mai ole mulimulitaia ma le usitaia o alafua.

Puleaina o le Taumafa Tapa'a

I lalo o le Tulafono o le Puleaina o le Taumafa Tapa'a 2008, o lo o fa'atulafonoina ai matafaioi a le Matagaluega o le Soifua Maloloina, e mata'itu ma fa'atonutonu fa'ale-tulafono le taumafaina o le tapa'a i Samoa, ma ia mautinoa, o lo o tausisia ei latou o lo o fa'atauina atu le tapa'a le Tulafono o le Puleaina o le Tapa'a, ma ona aiaiga fa'ale-tulafono. O le fa'afoeina o lenei matafaioi a le Matagaluega, o lo o nafa foi ma le Vaega o Auaunaga mo le Saogālēmū o Taumafa, ma le Mata'ituina o le Taumafa Tapa'a a le Vaega o Auaunaga Tau Puipuiga ma le Fa'amalosiga o Tulafono o le Soifua Maloloina


E tasi le fale gaosi tapaa i Samoa sa faatinoina le suesuega faaletausaga. E 573 nofoaga e faatau ai le tapaa sa asiasia ma e oo atu ile 97% lo latou mulimulitaia o alafua. E 39 laisene na

fa'amatuu atu ma maua ai le tupe maua e tusa ma le \$19,500 tala. O le puleaina o taumafa tapaa o le tasi lea o anavatau o loo maioio ma avea ma matafaioi a le Vaega e faatinoina Polokalame Faalauiloa a le Soifua Maloloina. Sa faatino asiasiga ma faalauiloa mo aoga e 262. E tusa ma le 87% o Aoga Tulagalua sa tausia ma usitaia i galuega faaititia mo le tapaa. E aofia i nei galuega, polokalame faalauiloa, faiga faavae Tuufaatasia e Aoga, ma le tuuti'itia o tapaa. O Aoga Maualuluga e tusa ma le 80.36%, ma Aoga Amata e 76% lo latou usitaia o vaega uma mo le tuu ititia o tapaa.

3. Taumafa Tatau

O le mata'ituina ma le fa'atonutonuina fa'ale-tulafono o le saogalemu o taumafa, o le matafaioi fa'atulafonoina lea o loo nafa ma le Vaega o Auaunaga mo le Saogalemu o Taumafa ma le Vaega o Taumafa Tatau lona fa'atinoga, i lalo o le Vaega o Auaunaga Tau Puipuiga ma le Fa'amalosiga o le Tulafono o le Soifua Maloloina. O nei matafaioi fa'atulafonoina, o lo o aiaina i totonu o le Tulafono o le Saogalemu o Taumafa 2015 ma le Alafua o Taumafa Tatau mo Aoga.

E 262 Aoga mai Aoga Amata, Tulagalua ma Kolisi sa asiasia e tusa ma Taiala ma Alafua o Taumafa Tatau. E 5 vaega lautogia poo aiaiga sa faia iai asiasiga. (1) Faatino faalauiloa mo Taumafa Tatau, (2) Tulafono e puipua ai le agai I tua o tamaiti i taimi aoga, (3) Vaega Manaomia mo Faleaiga, (4) Meaai I totonu o Aoga, (5) Siosiomaga ua maoae lona tulaga ile lagolagoina ole Taumafa Tatau. I le maea ai o le Asiasiga, e tusa ma le 37% o Aoga Amata, e 42% o Aoga Tulagalua ma le 41% o Kolisi Maualuluga sa tausisia tulaga mo taumafa tatau. O le aotelega o le tulaga usitaia ma le mulimulitaia o Alafua mo Taumafa Tatau e 41%, ma ua faamauina le maualalo ole tulaga o loo iai a tatou Taumafa Tatau I Aoga.



4. Tumamā Lautele

I le fa'atinoga o auaunaga tau le puipuiga o le soifua maloloina a le Matagaluega o le Soifua Maloloina, o le vaega o Auaunaga mo le Soifua Tumamā a le Vaega o Su'esu'ega o Fa'ama'i ma Auaunaga Fa'atonutonu o Tulafono Fa'ava-o-Malo o le Soifua Maloloina e latou te fa'atinoina asiasiga e mata'ituina ai le soifua tumamā ile mamalu lautele o le atunu'u. O nei auaunaga o lo o fa'atulafonoina i le Tulafono a le Soifua Maloloina e pei ona teuteuina ile 2019, Tulafono o le Soifua Maloloina 1959, Faiga Fa'avae ma Fuafuaga Fa'ata'atia mo le Soifua Tumamā i lalo o le Matagaluega o Punaoa Fa'ale-Natura ma le Siosiomaga.

O le Vaega o Tumama Lautele sa gafa ma le faatinoina o le mata'ituina o Aoga mo le Afa tausaga muamua. O Aoga i Upolu sa faamauina lo latou usitaia mai le 51% na ausia e Aoga Maualuluga (Kolisi), e 56% na ausia e Aoga Tulagalua ma le 61% na ausia e Aoga Amata. Na faamauina mai

foi Aoga e lei tausisia tulaga o Tumama lautele mo Aoga Kolisi e 49%, Aoga Tulagalua e 44% ma Aoga Amata e 39%. O le polokalame mo le Taifoi na mafai ona maua ma suesue le 100% o I latou na faamaonia ua aafia. E 20 tagata mai Upolu ma le 6 mai Savaii, sa faamauina mai ia Iulai 2023 agai ia Iuni 2024.

O le tui puipui mo le taifoi sa faatinoina i nuu sa maua ai tagata ma'i.

Ua fa'atulafonoina i lalo ole Tulafono ole Soifua Maloloina 1959, o le Vaega o Auaunaga mo I e Tu'uitiitia o A'afiaga o le Soifua Maloloina mai Manu Fa'alafua o loo i lalo o Auaunaga o Su'esu'ega o Faamai ma Tulafono Faatonutonu Fa'avaomalo o le Soifua Maloloina, e faatino le matafaioi o le mataitu, suesue ma faatino faaiuga mo faitioga aemaise o polokalame mo faamai i faalapotopotoga. I le tausaga nei, e 2 faitiga sa faaoo mai ile ofisa ma faia iai suesuega. E 5 suesuega faasoifua maloloina mo le siosiomaga sa faatino, e 5 suesuega mo Alavai ma le Tulaga o le Tumama lautele sa faatino.

5. Fa'afoeina o Otaota Lafoai o le Soifua Maloloina

O le fa'atonutonuina ma le mata'ituina o galuega tau le fa'afoeina o otaota lafoa'i o le soifua maloloina a le Matagaluega o le Soifua Maloloina, e lima ta'ita'iina e le Tulafono Teuteu a le Matagaluega o le Soifua Maloloina 2019, Tulafono o le Soifua Maloloina 1959, Tulafono o Fanua ma Siosiomaga 1989 ma le Ta'iala o le Fa'afoga o Otaota Lafoa'i o le Soifua Maloloina 2019. O le 'auga ma le fa'amoemoe o galuega tau'ave nei a le Matagaluega, o le fa'aitiitia lea o a'afiaga fa'ale-soifua maloloina o otaota lafoa'i ile soifua maloloina lautele, e ala lea ile lelei fa'afoeina o le lafoa'iga o otaota lafoa'i o le soifua maloloina.

O le matafaioi patino a le Vaega o Auaunaga mo Otaota Lafoa'i o le Soifua Maloloina, o le fa'atautaia lea o asiasiga e mata'ituina ai vaega tetele e tatau ona fa'aleleia o lenei auaunaga. E aofia ai le fa'afoeina o otaota lafoa'i o le soifua maloloina i falema'i uma i Samoa, fa'aleleia o le nofoaga o lo o susunuina ai otaota lafoa'i i Tafaigata, fausiaina o le o le nofoaga fou i Vai'aata e susunuina ai otaota lafoa'i i Salafai, ma le fa'atauina o se afi fou, o le fa'afoeina o auaunaga mo maliu e auina mai atunu'u i fafo faapea foi maliu auina atu i fafo.

Sa mafai ona asiasia falemai Autu ma falemai fa'aitumalo ina ia o gatasi pea ma faiga faavae o Otaota Lafoai ale Matagaluega. Sa faamauina mai ai le falemai na maoae lona tausisia o vaega manaomia mo Upolu, ole Falemai Fa'aitumalo o Poutasi ma Falemai Fa'aitumalo Safotu mo Savaii.

Pasene o le Mulimulitaia o le Faiga Faavae mo le Mataituina o Otaota Lafoai ale Soifua Maloloina 2020-2025.

Falemai Fa'aitumalo Upolu	Pasene ole Mulimulitaia o Faiga Faavae
Falemai Poutasi	90%
Falemai Lalomanu	86%
Falemai Lufilufi	83%
Falemai Saanapu	80%
Falemai Leulumoega	78.5%
Falemai Faleolo	Leai se gasegase
Falemai Fa'aitumalo Savaii	Pasene ole Mulimulitaia o Faiga Faavae
Falemai Safotu	91.5%
Falemai Sataua	90%
Falemai Foailalo	86.5%
Falemai Satupaitea	85%

Fa'ailoilo o le Soifua Maloloina


O le tausaga fa'ale-tupe lenei 2021/2022, o le tausaga muamua lea o le fa'atinoga o le Ta'iala o Atina'e o Samoa TF2021/22-TF2025/26. O le Matagaluega o le Soifua Maloloina ile avea ai ma lālā so'oupu autū mo le Vaega Lautele o le Soifua Maloloina a Samoa, e nafa ma le tali atu ile ausiaina o taunu'u a fa'amoemoeina e 3 i lalo o le Vaega o Fa'amuumua Lona 2 o le Ta'iala: Fa'aleleia le Soifua Maloloina Lautele. O fa'amoemoega nei e aofia ai:

1. Fa'aleleia o Auaunaga o le Soifua Maloloina ma Falema'i
2. Fa'aitiitia o fa'ama'i ogaoga e a'afia ai totoga ma fa'ama'i pipisi ma le
3. Fa'alauteleina o le Fa'amoemoe o le Soifua

O le Ata 5 o lo o i lalo, o loo faamanino atu ai le tulaga na oo iai le faatinoga o Faailoilo a le Soifua Maloloina, e saofagā ile ausiaina o taunuuga o faamoemoega ole Soifua Maloloina e pei ona taua i luga.

Ata 5: Tu'ufa'atasiga o Fa'ailoilo ole Soifua Maloloina


O lenei ata o loo auili'ili atu ai faailoilo ole Soifua Maloloina o loo I totonu ole Taiala mo le Atinae o Samoa FY2021/22-FY2025/26



FA'ATULAGAGA O LE MATAGALUEGA O LE SOIFUA MALOLOINA

O le Fa'atulagaga ole Matagaluega o le Soifua Maloloina ile Ata 6, o loo o lo o fa'aalia pea ile tulaga i ana matafaioi fa'atino, a'o tãlia ai le fa'amae'aina o fuafuaga a le Komisi o Tagata Faigaluega a le Malo ile toe fa'atulagaina fa'alelei o le Matagaluega o le Soifua Maloloina i ona vaega au'ili'ili e tatau ona iai.

Ata 6: Fa'atulagaga o le Matagaluega o le Soifua Maloloina (Fa'avae i luga o ana Matafaioi)



Komisi o Galuega ale Malo, 2019


AUFAIGALUEGA A LE MATAGALUEGA O LE SOIFUA MALOLOINA

O le vaega leni o le ripoti, o lo o tu'uina atu fa'amatalaga aoatotele mo le afaigaluega a le Matagaluega o le Soifua Maloloina sa galulue i leni tausaga fa'ale-tupe.

AOTELEGA O LE AUFAIGALUEGA

E 1,466 le afaigaluega ale matagaluega ua faamauina mo leni tausaga faaletupe. E 938 o Tamaitai ma le 528 o Alii. O le tausaga ua mavae, e 1,351 le afaigaluega ma ua siitia ai le numera ile tausaga nei. E 64% ole afaigaluega o Tamaitai (938) ae 36% o Alii (528).

Ata 7: Aofaiga o le Afaigaluega Tausaga Faaletupe 2022/2023 – TF 2023/24




Punaoa o Faamaumauga: MOH Human Resources Database FY2022/23 – FY2023/24

Ua siitia maualuga le aofaiga o tagata faigaluega e ulufale mai I leni tausaga, e tusa ma le 130 le afaigaluega mai avanoa fa'asalalau ma polokalame fa'amasani a le Vaega o Tausisoifua.

Tulaga Tau Tomai Fa'apitoa TF2023 - 2024

O le aotelega o fa'amaumauga mo tomai faapitoa o loo auiliili atu I lalo. O loo faatumauiina pea le aofai o isi tomai faapitoa mai le tausaga ua mavae.

Ata 8: Numera o le Aufaigaluega mai Tulaga Tau Tomai Faapitoa TF2023 - 2024



Source: MOH Registrar and Professional Development Database, FY2023 - 2024

O loo atagia le siitia maualuga o fa’amaumauga mo tomai faapitoa taitasi, pe a faatusa atu i isi tausaga ua mavae. O loo faamauina e lua tomai ua iai na i suiga i Fuainumera, e iai tomai mo faletalavai ma tomai faapitoa ese’ese.

AUFAIGALUEGA FA’AMAVAE MA ULUFALE MAI LE MATAGALUEGA

E tusa ma le 130 tagata na fa’afaigaluega mai i totonu o lenei tausaga fa’a-le-tupe. E 60 tagata na Filifilia mai lalo o aiaiga ale Komisi o Galuega a le Malo, e 59 na ulufale mai ile polokalame fa’amasani mo tausi soifua ma le 11 o fomai o loo i lalo ole polokalame mo Fomai faatoa i’u mai aoaoga.

E 119 le aufagailuega sa faamavae. Ua faamauina foi e le matagaluega o nisi ua ausia tulaga matutua o le soifua e le toe faigaluega ai, o nisi ua malaga faavaitaimi ma le siitia maualuga o tulaga ile galuega e pei ona iai tulaga konekarate o loo iai le polokalame o le soifua maloloina o le Pen Fa’a-Samoa.

AOAOGA E ATINAE AI TOMAI OLE AUFAIGALUEGA

O polokalame fa’aleaoaoga sa auai atu iai sui o le matagaluega. E 129 a’oa’oga sa fa’atautaia I atunuu e mamao faatasi ai ma le tele o polokalame sa faatino lava I totonu ole atunuu.

Ua tele le sao taua o nei polokalame ma a’oa’oga ile fa’alauteleina o le tomai o le aufaigaluega I le faatinoina o le auaunaga.

**TALA FA'ATATAU O LE TUPE MO LE TAUSAGA
FA'ALETUPE 2023/24**

Tala o le Tupe:

SCHEDULE 2.11

FA'AMATALAGA O TUPE MAUA A LE MATAGALUEGA I ONA VAEGA TA'ITASI

MA ANA TUPE FA'AALU

TALA FA'ATATAUINA O LE TUPE

Mo le Tausaga Fa'aletupe Fa'aiuina ile aso 30 Iuni 2024

			<i>Faamatalaga</i>	2024	<i>Tupe Faatatau Faavae</i>	<i>Tupe Faatatau Aloaia</i>	<i>Ova Faaaoga/ Le uma ona faaaoga</i>	2023
SOIFUA MALOLOINA				\$	\$	\$	\$	\$
TUPE MAUA								
Tupe Maua Masani								
	Isi Tupe Maua							
	Pili ma isi totogifuapauina			5,739,396	5,510,839	5,510,839	(228,557)	5,067,542
AOFA'IGA O TUPE MAUA				5,739,396	5,510,839	5,510,839	(228,557)	5,067,542
TUPE TOTOGI								
Vaega								
1.0	Fautuaga Fa'afaiga Fa'avae ile Minisita		1	1,386,490	1,360,962	1,466,847	80,357	1,231,527
2.0	Auaunaga Lagolago ile Minisita			826,532	776,652	866,842	40,310	671,131
3.0	Faiga Faavae ma Fuafuaga Alualu Mamao			974,395	960,092	993,792	19,396	859,006
4.0	Quality Assurance & Infection Control			1,196,239	1,261,115	1,261,115	64,875	1,119,534
5.0	Registrar and Health Professional Development			1,357,786	1,365,822	1,365,822	8,036	1,317,573
6.0	Su'esu'ega o Fa'ama'i ma Tulafono Fa'atotonu Fa'ava-o-Malo			2,057,706	2,184,974	2,175,136	117,430	1,914,112
7.0	Faleteuoloo o Vaila'au ma Fuala'au mo Togafitiga			10,648,501	10,705,304	10,705,303	56,802	7,256,766
8.0	Auaunaga o Fa'amatalaga o le Soifua Maloloina, Mata'ituina ma Iloiloga			810,567	944,772	944,772	134,204	822,049
9.0	Auaunaga Fa'atekonolosi mo Fa'amatalaga ma Feso'ota'iga Faa-Soifua Maloloina			1,297,668	1,166,039	1,265,751	1,265,750	99,711
10.0	Fa'afoega ma le Mata'ituina o le Fa'aoloaga o le Soifua Maloloina			793,598	909,635	909,634	116,036	810,814
11.0	Auaunaga Tau Falema'i ile falema'i o le TTM			19,490,643	19,344,182	19,736,624	245,980	17,481,475
12.0	Auaunaga Tau Su'esu'ega o le Toto ma Fa'ama'i			8,155,697	8,416,251	8,416,251	260,554	7,458,791
13.0	Auaunaga Tau Fa'ata			3,304,874	3,370,097	3,370,097	65,223	2,768,110
14.0	Auaunaga mo le Togafitiga o Nifo			3,965,822	4,194,595	4,194,596	228,774	3,504,416
15.0	Auaunaga tau Faletalavai			2,231,685	2,382,988	2,382,989	151,304	4,124,479
16.0	Auaunaga tau falema'i ile falema'i o le MTII			9,596,862	9,941,583	9,941,583	344,720	9,466,056
17.0	Auaunaga Tuufaatasi Fa'atauisoifua i Falema'i Tutotonu			19,818,196	21,354,751	20,113,550	295,354	19,907,265
18.0	Puipuiga o le Soifua Maloloina ma le Fa'amalosia o Tulafono			1,982,122	2,202,475	2,202,475	220,354	1,860,809
19.0	Fa'afoega o Polokalame o le Soifua Maloloina, Siitia o le Soifua Manuia ma Aoaoga Fa'alauiloo			2,161,974	2,502,523	2,502,523	340,550	2,457,266
20.0	Auaunaga Fa'asoifua Maloloina i Falema'i Fa'aitumalo			13,808,060	13,316,223	13,945,045	136,985	9,670,073
Aofaiga				105,733,790	108,760,747	108,760,746	3,026,956	95,998,920

Isi Vaega						
Fesoasoani Tau Tupe						
Falemai Faamama Toto		10,425,819	10,425,819	10,425,819	0	9,329,934
Falema'i mo Fa'ama'i Ogaoga e A'afia ai totoga		196,840	200,000	200,000	3,160	247,945
Koluse Mumu		100,000	100,000	100,000	(0)	100,000
Sosaiete o le Kanesa i Samoa		100,000	100,000	100,000	(0)	100,000
GOSHEN Trust		100,000	100,000	100,000	(0)	100,000
Falemai Agape		0	0	0	0	50,000
Samoa Family Health		50,000	50,000	50,000	0	100,000
METI		100,000	100,000	100,000	(0)	100,000
Aofaiga o Fesoasoani Tau Tupe		11,072,659	11,075,819	11,075,819	3,159	10,127,879
Fefa'ataua'iga e fai ma sui ole Malo						
Totogi ole avea ma sui auai						
Tupe mai le WHO		0	35,000	35,000	35,000	0
Tupe mai le Koluse Mumu		5,800	5,800	5,800	(0)	5,800
			40,800	40,800	35,000	5,800
	<i>Faamatala ga</i>	2024	Tupe Faatatau Faavae	Tupe Faatatau Aloaia	Ova faaoga/ le uma ona faaoga	2023
SOIFUA MALOLOINA		\$	\$	\$	\$	\$
Totogi o Poloketi o Atinae						
Vaaiga 1: Polokalame mo le faamalosi ole tui puipui fou ile Pasefika		572,858	500,000	500,000	(72,858)	111,250
Vaaiga 2: polokalame a le ADB mo le faamalosi o Tui Puipui ile Pasefika		195,689	200,000	200,000	4,311	76,894
Poloketi mo le Tali atu I Faalavelave Faafuasei ole Koviti		23,575	100,000	100,000	76,425	31,700
		792,122	800,000	800,000	7,878	219,845
Faiga Faavae ma Polokame ale Malo						
Polokalame mo le mataituina ma le faalauiloaina o le mauaina o le suavai mama ma le Soifua tumama		120,033	120,500	120,500	468	88,770
Fuafuaga mo Fomai Faapitoa (Fomai Saina)		199,500	200,000	200,000	500	181,117
Fale apitaga mo fomai		0	1,000,000	1,000,000	1,000,000	0
Toe faaleleia o Falemai itumalo		0	1,000,000	1,000,000	1,000,000	609
Toe faaleleia o mea faigaluega tinei mu		2,701	300,000	300,000	297,299	0
Polokalame mo le Soifua Maloloina o Samoa		3,834,162	4,048,304	4,048,304	214,142	3,657,282
Polokalame mo Tupe o Vaega Ese'ese		0	0	0	0	110,315
Auina atu o Gasegase I atunuu I Fafo		4,999,927	5,000,000	5,000,000	73	5,000,000
Auaunaga Faapitoa Fomai		0	3,000,000	3,000,000	3,000,000	0
Inisiaua o Falemai (TTM, MTII, Ofisa, Fale Teu Oloa o Vailaau		0	500,000	500,000	500,000	0
Oka o Vailaau (Vaega 17)		1,089,680	1,090,000	1,090,000	320	588,142
Galuega ale NEOC		431,405	500,000	500,000	68,596	497,411
Tagata Faigaluega toe foi mai		2,024,725	1,631,052	1,631,052	(393,673)	1,983,396
		12,702,132	18,389,856	18,389,856	5,687,724	12,107,043
Lisi o Fanua						
Totogi o Fanua – Falemai I Faleolo		61,768	73,750	73,750	11,982	69,583
Lisi o Fanua (FMFMII)		34,200	34,200	34,200	0	33,768
		95,968	107,950	107,950	11,982	103,351
Lafoga		5,171,347	7,369,637	7,369,637	2,198,290	5,033,256
Aofaiga		18,767,369	26,708,243	26,708,243	7,940,874	17,469,295

AOFAIGA O TOTOGI – SOIFUA MALOLOINA		135,573,819	146,544,809	146,544,808	0,970,989	123,596,094
RISITI O TOTOGI		129,834,423	(141,033,970)	(141,033,969)	(11,199,546)	118,528,552

Fa'aogaina o Tupe o Poloketi o le Soifua Maloloina

ATINAE O POLOKETI A LE MALO						
	<i>Faamatalaga</i>	2024	Tupe Faataau Faavae	Risiti	Totogi	Paleni Faavae
		\$	\$	\$	\$	\$
Meaalofa GDP						
Faamalosia o Polokalame o le Taifoi & Microbiological Lab Capacity in Samoa (Other)	2	(63,355)	0	0	199,584	136,231
Polokalame mo masini faata (AusAid)	3	45	0	45	0	0
Faalapotopotoga mo Tausisoifua Samoa (NZ)		3,756,512	0	205,229	0	3,551,283
Aoaoga mo Fefaatauaiga & Faafoega o Sapolai o Aisa mo Tui Puipui mo le afaigaluega (AusAid)		273,013	0	10,383	10,020	272,649
Tala ole Tupe WHO 2020 – 2021 (WHO)		189,602	0	134,416	1,483,933	1,159,915
Meafaigaluega faafomai mo le Misela & Faamai Pipisi (JapAid)		446,066	0	17,703	42,702	471,066
Poloketi mo faalavelave faafuasei mo le Koviti-19 (World Bank)	4	592,075	0	2,821,703	3,371,599	1,141,971
ATINAE O POLOKETI A LE MALO						
	<i>Faamatalaga</i>	2024	Tupe Faataau faavae	Risiti	Totogi	Paleni Faavae
		\$	\$	\$	\$	\$
Faamalosia o le tele e mafai ona oo iai le tui puipui fou i totonu ole Pasefika (Vaccine Project) (ADB)	4	1,177,721	1,091,197	1,786,480	2,872,595	(91,606)
Polokalame mo le Soifua maloloina o Tagata Samoa- IDA D527WS (World Bank)		10,678,050	4,860,409	5,433,591	1,031,666	6,276,125
Atunuu eseese o le Pasefika (MCWP) Polokalame Tuufatasi HIV/TB (UNDP)		(151,553)	227,035	263,991	386,987	(28,557)
UNFPA- Soifua Maloloina o Soifuaga Fanau 2021-2022 (MoH) (UNFPA)		(343,073)	0	48,497	66,606	(324,964)
Poloketi e faamalosia ai le tele e mafai ona oo iai le tui puipui fou i totonu ole Pasefika – Tupe Fa'aopo'opo (ADB)		(3,232,931)	1,145,757	6,422	22,316	(3,217,037)
Faamalosia o auaunaga mai le ENT mo e iai manaoga tumau & MDS (AusAid)		45,627	0	0	11,772	57,399
Fale Suesue mo le Soifua Maloloina Lautele (NZ)		653,353	0	35,671	0	617,682
Tikeri mo le Faasaienisi Faasoifua Maloloina (NZ)		30,522	0	25,131	1,789,283	1,794,674
The Pacific Mosquito Surveillance Strengthening for Impact (James Cook University)		29,200	35,729	34,085	4,885	0
UNFPA- Sexual Reproductive Health 2023-2027 (MoH) (UNFPA)	<i>e</i>	0	100,000	0	0	0
Bienniem Grants programme 2022-2023 (WHO)	<i>e</i>	0	100,000	0	0	0
(UNICEF) Fuafuaga mo le Soifua Maloloina, Taumafa Tatau ma Suavai Mama mo Puipuiga o Tamaiti 2023-2024	<i>e</i>	0	2,417,862	0	0	0
Tau o Fanua mo meafaigaluega a Siamani	<i>f</i>	35,281	0	0	0	35,281
Tau o Fanua mo mea faigaluega a Korea	<i>f</i>	148,668	0	0	0	148,668
AOFA'IGA O FESOASOANI TAU TUPE MAI POLOKETI A LE MALO		11,530,177	9,977,989	10,823,348	11,293,949	12,000,779

**GALUEGA AUSIA A LE MATAGALUEGA O LE SOIFUA
MALOLOINA MO LE TAUSAGA FA'ALETUPE 2023/24 MAI
POUTŪ E 3 O LE AUAUNAGA**

POUTU 1: FAIGA FAAVAE, TULAFONO, FAAFOEGA MA AUAUNAGA LAGOLAGO O LE SOIFUA MALOLOINA.

E pei ona faailoa atu i le faata'atiaga o le auivi o le Matāgaluega o le Soifua Mālōlōina, e sefulu (10) Vaega o lo'o aofia i lalo o le Poutū Tasi (1) o le Matāgaluega o le Soifua Mālōlōina. O Vaega e aofia ai:

Pusa 4: Vaega o loo i lalo ole Poutu 1 o Auaunaga o le Soifua Maloloina

VAEGA.	FAAMATALAGA
Vaega 1	Ofisa ole Faatonu Sili Aoao ole Soifua Maloloina
Vaega 2	Ofisa ole Minisita ole Soifua Maloloina
Vaega 3	Fuafuaga Alualu Mamao, Faiga Faavae ma Su'esu'ega o le Soifua Maloloina
Vaega 4	Faamautinoaga o Tulaga Lelei o Auaunaga o le Soifua Maloloina ma le Mata'ituina o Siamā
Vaega 5	Resitala ma Atina'ega o Tomai Fa'asoifua Maloloina
Vaega 6	Suesuega o Faamai & Tulafono Fa'aotnutonu Fa'ava o Malo
Vaega 7	Faleteuolua o Vaila'au ma Fuala'au mo Togafitiga
Vaega 8	Auaunaga o Faamatalaga ole Soifua Maloloina, Mata'ituina ma Iloiloga
Vaega 9	Auaunaga o Faamatalaga, Tekonolosi ma Fesootaiga Fa'asoifua Maloloina
Vaega 10	Fafoeaga ma le Mataituina ole Faaoloaina ole Soifua Maloloina
Auaunaga Autasi 1	Fa'afoega o le Aufaigaluega
Auaunaga Autasi 2	Fafoega o Tupe ma Fa'atauaiga
Auaunaga Autasi 3	Auaunaga mo le Puleaina ma le Tausia o Aseta

O matafaioi faapitoa o vaega eseese o loo taua , latou te tuuina atu le lagolagosua e ala i le faatinoina o fautuaga mo Faiga Faavae, Tulafono faatonutonu , o le fafoeina ma le mata'ituina o punaoa ma aseta e faaoloaina ai le auaunaga a le Matagaluega.

Vaega 1 : Ofisa o le Faatonu Sili o le Soifua Maloloina

O le vaega leni e nafa ma le vaavaaia o le faagasologa ma le faatinoga o Tulafono, Faiga Faavae ma Tulafono Faatonutonu mo le saogalemu ma le manuia o le auaunaga. E le gata i lea, e nafa foi ma le fa'afoeina ma le mata'ituina o le galuea'ina o Tulafono, Tulafono Fa'atonutonu ma Faiga Fa'avae e lima ta'ita'iina ai le fa'atinoga o auaunaga a le Soifua Maloloina. E fa'apea foi ona o latou fa'atinoina le mata'ituina ma le iloiloga aoatetele o Alāfua e faatumauina ai le tulaga o le maua e tagata uma o auaunaga mo'omia o le Soifua Maloloina auā le soifua maloloina o le mamalu o le atunu'u.

O maafaioi fa'atulafonoina a le Ofisa o le Faatonu Sili Aoao e aofia ai :

- (i) Galuega fa'a-failautusi i le Ofisa o le Faatonu Sili
- (ii) Auaunaga lagolafo faapitoa e faatinoina galuega Fa'aletulafono (Loia) ma
- (iii) Suetusi Faalotoifale a le Matagaluega

Aufaigaluega

E sefulu ono (16) avanoa aufaigaluega i lalo o lenei auunaga . E sefulufa (14) avanoa sa mafai ona fa'a-faigaluegaina i le tausaga ua mavae ma le lua (2) avanoa faigaluega o loo avanoa e pei ona faailoa atu i le Pusa 5.

Pusa 5: Aufaigaluega o loo galulue i le Ofisa o le Faatonu Sili

Ofisa o le Faatonu Sili	Sue Tusi Faalotofale	Vaega o Tulafono
1. Faatonu Sili Aoso ole Soifua Maloloina	1. Ofisa Sili Lagolago Suetusi	1. Ofisa Sili ;Lagolago mo Tulafono
2. Sui Faatonu Sili Laolago o Falemai ma Togafitiga	2. Ofisa Sinia Suetusi Faalotoifale = 2	2. Ofisa Sinia mo Tulafono (1)
3. Sui Faatonu Sili Lagolago ole Soifua Maloloina Lautele	3. Ofisa Suetusi	
4. Ofisa Sinia o Fesootaiga	4. Ofisa Suetusi Lagolago = 1	
5. Failautusi Sinia mo le Faatonu Sili	5. Suetusi Lagolago (1)	
6. Failautusi Sinia mo le Soifua Maloloina Lautele		
7. Failautusi Sinia mo Falemai ma Togafitiga		
8. Failautusi Lagolago		

Tala Faatatau o le Tupe ma lona Faaogaina

Tupe Faatatau mo le Tausaga	Tupe Faaogaina	Tupe Totoe	% o Tupe Faaalu
SAT1,466,847	SAT1,386,490	SAT80,357	94.52%

O le tupe Fa'atatau mo le Tausaga mo le Ofisa o le Fa'atonu Sili Aoso ole Soifua Maloloina e SAT1, 466,847.00. E mae'a ane le Tausaga Fa'aletupe, ua mafai ona faaogaina le 94.52% . O tupe totoe e tusa ma le SAT80,357 sa faaagaga mo avanoa faigaluega e le'i faatumuina i totonu ole Tausaga Faletupe lenei.

Galuega Ausia:

1. Fonotaga Fa'aitulagi ma Faava-o-Malo

O fonotaga Faava-o-malo ma Fa'aitulagi e faatino i tausaga taitasi, e auai ai le Faatonu Sili, o ia foi o le Fa'auluuluga o Vaega Eseeese o le Soifua Maloloina i Samoa, e avea ma sui aua le faaleoina o manatu i totonu o fonotaga. I lenei tausaga faaletupe, sa mafai ona auai le Faatonu Sili i nei fonotaga e le gata i atunuu sa faatino ai ae sa auai foi i fonotaga e fa'aoga ai le upega tafa'ilagi. O fonotaga nei:

Fonotaga Faaitulagi ma Faava-o-Malo	Aso
1. Fonotaga lona 15 o Minisita ole Soifua Maloloina i le Pasefika	Setema 2023
2. Fonotaga lona 74 o le Itualgi a le Pasefika i Sisifo	Oketopa 2023
3. Fonotaga a Malo ole Taupulega mo Komiti Faufautua o le Soifua Maloloina (Lonetona)	Aperila2024
4. Fonotaga a Ta'ita'i o le Soifua Maloloina o le Pasefika	Aperila 2024
5. Fonotaga lona 35 a Minisita o Malo ole Taupulega i Geneva	Aperila2024
6. Fonotaga lona 77 Tuufaatasi mo Soifua Maloloina o le Lalolagi i Geneva	Me 2024

2. Fonotaga ale Pulega Autasi ma Tulafono Faatonutonu & Pulega a le Matagaluega.

O le Poutū 1 “Pulega Autasi ma Tulafono Faatonutonu a le Matagaluega e faatino a latou fonotaga i vaiaso taitasi, ao le Pulega a le Matagaluega e faia a latou fonotaga e taitasi ile masina. E soalaupule ai ma talanoaina ai le faatinoga o fuafuaga ma polokalame aemaise o le faamautinoaina o le o gatasi pe a o galuega faatino agai i vaega e ave iai le faamuamua faasoifua Maloloina.

3. Tuuina atu o Fautuaga Faa-soifua Maloloina i Vaega Ese’ese ma Paaga o Atina’e o le Soifua Maloloina.

O le ave ai ole Matagaluega ole Soifua Maloloina ma ta’ita’i o vaega eseese ole Soifua Maloloina, o loo taulamua ai pea ile faamaopo’opoina o pa’aga ma vaega galulue ole Soifua Maloloina e faatautaia faatalanoaga, e iloiloaina ai ma lauliliu ai Faiga Fa’avae ma Fuafuaga Alualu Mamao ole Matagaluega.

4. Tuuina atu o Auaunaga Lagolago Fa’aletulafono

O le Vaega o Tulafono i lalo o le Ofisa o le Faatonu Sili e nafa ma le tuuina atu o auaunaga lagolago faaletulafono pe a manaomia e vaega uma o le Matagaluega. I lenei Tausaga Faa-letupe, na mafai ai e le Faufautua Faaletulafono ona:

- (i) Tu’uina atu o fautuaga faa-letulafono ma manatu i mataupu uma e faasino i Tulafono Faa-soifua Maloloina
- (ii) Saunia pepa Faaletulafono e pei o Maliega, Maliega o Auaunaga, Konekarate, Maliega o Fesoasoani ma Maliega o Lisi e manaomia e lagolago ai le faatinoga o poloketi a le Matagaluega o le Soifua Maloloina.
- (iii) Fesoasoani i faamasinoga Faaletulafono, iloiloga ma teuteuga o Tulafono

5. Auaunaga Su’etusi Falotoifale

O le matafaioi a le Vaega o Su’etusi Lotoifale o le tuuina atu lea o le faamautinoaga o loo faagaioioi lelei le fa’afoega o lamatiaga, pulega ma faiga faalotoifale a le Matagaluega. E le gata i lea, o i latou foi e taulamuai i le puipuiga o le Matagaluega e ala i le vave ona iloa o le solia o tulafono, tulafono faatonutonu ma aiaiga o konekarate ma maliega

I totonu o lenei tausaga faaletupe, na mafai ai e le Vaega o Su’etusi Lotifale ona faatinoina mea nei.

- (i) Auai i le taimi o le fa’atinoina o le tu’ufa’atasia ma le iloiloga a le PSC ina ia mautinoa le sologa lelei o le suiga mo vaega sa matua a’afia i suiga fou.
- (ii) Fa’amaumauga o tupe pe a talosagaina fa’apitoa e le pulega po’o le Ofisa Sili.
- (iii) Faatino Asiasiga i Falemai uma i itumalo i Upolu ma Savai’i e mata’itu ai le pulega o aseta ma meaalofa mai Pa’aga a le Matagaluega.
- (iv) Faatino suesuega Faasu’etusi o le faaogaina o Tupe
- (v) Faatino suesuega Fa’asu’etusi mo Tupe Faaalu mo Aseta Tumau
- (vi) Mata’ituina o le faafoega o galuega ma mataupu tau galuega i falema’i i Upolu ma Savai’i.
- (vii) Iloiloga o Lamatiaga – Iloiloga o Lamatiaga mo fefa’atauaiga faasoifua maloloina.

Vaega 2 : Ofisa ole Minisita o le Soifua Maloloina.

O lenei vaega e latou te fa’atinoina auaunaga faafailautusi ma auaunaga lagolago mo le Ofisa o le afioga ile Minisita o le Soifua Maloloina ma Minisita Lagolago o le Soifua Maloloina.

Aufaigaluega

E toafa (4) le aufaigaluega o loo faigaluega i lalo o le Ofisa o le Afioga i le Minisita a le Soifua Maloloina, e ese mai ile Afioga i le Minisita o le Soifua Maloloina ma ana Minisita Lagolago e 2. Ua faatumuina uma avanoa e pei ona faailoa i le Pusa 6 o i lalo.

Pusa 6: Aufaigaluega Faafaigaluega i le Ofisa o le Minsita o le Soifua Maloloina.

Office of the Hon. Minister of Health

1. Afioga i le Minisita o le Soifua Maloloina
2. Minsita Lagolago o le Soifua Maloloina
3. Failautusi
4. Failautusi Lagolago
5. Ofisa fesoasoani
6. Ave Taavale

Tala Faatatau o le Tupe ma lona Faaogaina

Tala Faatatau o le Tupe i le Tausaga	Tupe Faaogaina	Tupe Totoe	% o Tupe Faaalu
SAT866,842.00	SAT826,532.00	SAT40,310.00	95.35%

O le Tala Faatatau o le tupe sa faamaonia mo lenei Vaega i totonu o le Tausaga Faaletupe lenei e SAT866, 842. I le maea ai o le tausaga Faaletupe e 95.35% o le tupe sa faamatu'u mai ua faaogaina .E SAT40.310 le paleni sa totoe.

Galuega Ausia

I lenei Tausaga Fa'aletupe, na mafai e lenei vaega ona faatinoina auaunaga e lagolagoina ai le tuuina atu o auaunaga Fa'a-lesoifua Maloloina i le atunuu. E pei o :

Fonotaga Faasoifua Maloloina Fa'aitulagi ma le Kelope

O fonotaga nei fa'aitulagi e faatinoina i tausaga uma e manaomia ai le auai o le Minisita o le Soifua Maloloina.

I lenei tausaga fa'aletupe, sa mafai ai e le Afioga i le Minisita o le Soifua Mālōlōina ona auai i fonotaga nei ma sa fai ma sui o le malo o Samoa e saunoa ai ma faaali ona fingalo.

Fonotaga Faava-o Malo ma Faaitulagi	Aso	Nofoaga
1. Fonotaga lona 74 a le Itulafi o le Pasefika i Sisifo o le Soifua Maloloina	October 2023	Manila, Filipino
2. Fonotaga lona 77 o le Soifua Maloloina o le Lalolagi	May 2024	Sineva, Suiselani

Vaega 3: Fuafuaga Alualu Mamao, Faiga Fa'avae ma Su'esu'ega o le Soifua Maloloina

O lenei vaega o loo nafa m a le tuuina atu o fautuaga tau faiga fa'avae ma fuafuaga ile Ofisa o le Faatonu Sili Aoao o le Soifua Maloloina e logoina ai le faia o faai'uga ma fautuaga faavae i le Ofisa o le Minisita o le Soifua Maloloina e tusa ai ma le Tulafono o le Matagaluega o le Soifua Maloloina 2006 (teuteuga i le 2019), ma isi tulafono talafeagai mo le soifua maloloina.

O galuega Faa-tulafonoina a lenei Vaega e aofia ai:

- (i) Fuafuaga Alualu Mamao
- (ii) Fausiaina ma le Iloiloga o Faiga Faavae ma
- (iii) Suesuega o le Soifua Maloloina

Aufaigaluega

O lenei vaega e aofia ai tagata faigaluega nei:

1. Ofisa Sili Lagolago

Pusa 7: Aufaigaluega a le MOH o loo faafaigaluegaina i le Vaega o Fuafuaga Alualu Mamamao, Faiga Faavae ma Su'esu'ega.

Auaunaga Tau Fuafuaga Alualu Mamamao	Vaega o le Fausia ma Iloiloga i Faiga Faavae	Suesuega o le Soifua Maloloina
<ol style="list-style-type: none"> 1. Taiulu o Auaunaga tau Fuafuaga Alualu Mamamao 2. Ofisa Sinia tau Fuafuaga Alualu Mamamao (Avanoa) 3. Ofisa Tau Fuafuaga Alualu Mamamao 	<ol style="list-style-type: none"> 1. Taiulu o Auaunaga Tau Fausia, a le Iloiloga o Faiga Faavae 2. Ofisa Sinia tau Fausia ma le Iloiloga o Faiga Faavae 3. Ofisa tau Fausia ma le Iloiloga o Faiga Faavae. 	<ol style="list-style-type: none"> 1. Ta'iulu o Auaunaga tau Suesuega o le Soifua Maloloina

E toaiva (9) le aufaigaluega sa faafaigaluegaina i lalo o le Fuafuaga Alualu Mamamao, Vaega o Faiga Fa'avae ma Su'esu'ega o avanoa uma ua faatumuina e pei ona faaalua ile Pusa 7 o loo i luga.

Tala Fa'atatau o le Tupe ma lona Faaogaina

Tala Faatatau o le Tupe i le Tausaga	Tupe Faaogaina	Tupe Totoe	% Tupe Fa'aalu
SAT993,792.00	SAT974,395.00	SAT19,396.00	98%

O le tala o le tupe ua faamaonia mo lenei Vaega, e faaogaina i lenei tausaga faaletupe e SAT993, 792. E maea le Tausaga Faa-letupe, na mafai ona latou faaogaina le 98% o le latou paketi e tusa lena ma le SAT859, 007. O le paleni totoe e SAT19, 396 (2%) e lei faaogaina ona o le avanoa faigaluega mo le Ofisa tau Fausia ma le Iloiloga o Faiga Fa'avae, fa'ato'a a'e ma i le kuata mulimuli o le Tausaga Fa'a-letupe lenei.

Galuega Ausia

I lenei tausaga faaletupe lenei, na mafai ai e lenei Vaega ona faatino ma ausia galuega nei e lagolago ai le faatinoina o a latou galuega faatulafonoina:

1. Fausiaina o Lomiga o le Soifua Maloloina

O se tasi o galuega faatulafonoina a lenei Vaega o le fausiaina lea o Fuafuaga, Ta'iala, Faiga Faavae ma Taiala Faatonutonu o loo talosagaina e vaega eseese o auunaga Fa'a-lesoifua maloloinaia vaega tumaoti ma le soifua maloloina lautele (soifua maloloina lautele, falema'i ma pulega) e limata'ita'iina ai le faatinoga o a latou galuega.

I lenei tausaga faaletupe, o nisi nei o lomiga sa mafai ona tapenaina i totonu o le tausaga faaletupe lenei e lagolagoina ma atia'e ai le faatinoga o le soifua maloloina:

Fuafuaga Alualu Mamamao	Faiga Faavae	Ta'iala
<ol style="list-style-type: none"> 1. Fuafuaga mo le Faaoga tatau o Fualaaui tui e tuuitiitia ai le faaoga sese e tagata. 	<ol style="list-style-type: none"> 1. Faiga Faavae mo Fualaaui ma Vailaaui o le Soifua Maloloina 	<ol style="list-style-type: none"> 1. Taiala mo le fa'atinoga o Tui Puipui
<ol style="list-style-type: none"> 1. Fuafuaga Autasi mo le Tafieseaa o le kanesa o le 	<ol style="list-style-type: none"> 2. Faiga Faavae mo galuega faatino mo le 	<ol style="list-style-type: none"> 3. Taiala mo le mataituina o le mai suka

gutu o le toala fanau	suesuega o toto 2024	
2. Alafua mo Feso'ota'iga i Suiga o Amio ma Agafesootai mo Tapa'a	3. Faiga Faavae mo Gasegase e auina atu i atunuu mamao mo togafitiga	2. Taiala mo Fafine To
3. Fuafuaga mo le tausia lelei o Fofoga/Mata	4. Faiga Faavae mo le Kanesa 2024	
4. Alafua mo le auaunaga faatausisoifua ma faatosaga 2023		
5. Tusi Taiala mo le taofia o le taumafa Tapa'a 2023		
6. Fuafuaga Alualu Mamao mo le mata'ituina o fa'amai e mafua mai namu 2023		

2. Iloiloga o Lomiga o le Soifua Maloloina

I totonu o le Tausaga Fa'a-letupe o loo lipotia, sa faatautaia e le Vaega o Fuafuaga Faataatia, Faiga Faavae ma Suesuega faatasi ai ma isi vaega o le Matagaluega iloiloga mo o Lomiga faalesoifua maloloina

Fuafuaga Alualu Mamao	Faiga Faavae	Taiala
1. Alafua mo auaunaga faatausisoifua ma Faatosaga	1. Faiga Faavae mo gasegase auina atu i atunuu e mamao mo togafitiga 2019	1. Taiala mo Tina To
2. Fuafuaga Alualu Mamao mo faamaumauga ma faamatalaga mo fesootaiga lautele	2. Faiga Faavae mo Fualaa ma Vailaa 2008	2. Taiala mo Tui Puipui
	3. Faiga Faavae mo le puleaina o le Ava Malosi 2018-2023	
	4. Faiga Faavae mo le mata'ituina o faamaumauga faaonaponei faa-soifua maloloina 2017-2022	

3. Su'esu'ega o le Soifua Maloloina

O le faamaopopoina o talosaga mo su'esu'ega faalesoifua maloloina mo le Komiti o Su'esu'ega Faalesoifua Maloloina e su'esu'e ma faamaonia, o se tasi lea o matafaioi atu a le vaega o Faiga Faavae ma Su'esu'ega.

O talosaga mo suesuega sa tuuina mai ua ausia uma aiaiga manaomia mo le resitalaina. E 10-15 talosaga ua uma ona sainia Maliega i le va o le Matagaluega ma le au su'esu'e.

E tusa ma le 16 ripoti o suesuega Fa'a-soifua Maloloina na tuuina mai i le Matagaluega e ala I le Komiti o Su'esu'ega Faasoifua maloloina mo le sailia o se faatanaga mo le faasalalauina. O nei ripoti ua faamaonia ele Komiti ma e le gata ina faamaonia e faasalalau ae faaoga foi I iloiloga o Faiga Faavae ma Fuafuaga Alualu mamao.

4. Fa'afuega o Fono Faale-tausaga a le Soifua Maloloina 2023

O le fa'afuega o Fonotaga faale-tausaga o le Soifua maloloina o le matafaioi faaauauina a le Vaega o Fuafuaga Alulau Mamao, Faiga Fa'avae ma Su'esu'ega o le Soifua Maloloina. O le autu mo le Fonotaga Fa'aletausaga lona 15 o le Soifua Maloloina o le: "Fa'amalosia o Su'esu'ega Faa-soifua maloloina ma Atina'ega o tomai faapitoa. E maualuga le taua o suesuega tau soifua maloloina i le soifuaga o tatou tagata. E mafai ona aumaia ai fa'amatalaga taua ma fa'amaonia i luga o fa'amaumauga e uiga i fa'ama'i, mea e ono afua ai, i'uga o togafitiga po'o auala fa'alau'itele e puipuia ai le soifua maloloina, gafatia o le tino, faiga o tausiga, taua o le tausiga fa'alesoifua maloloina ma le fa'aaogaina o auunaga fa'alesoifua maloloina. O lenei Fono Fa'aletausaga e taula'i i auala e fa'alauiloa ai le Soifua maloloina o Samoa ma le fa'aalia o galuega ma auunaga ua ausia sa fa'atinoina i le tausaga atoa.

5. Fa'atonga o Auunaga Faafailautusi mo Komiti Faufautua o le Soifua Maloloina mo Upolu ma Savai'i.

E iai isi matafaioi faapopopo a le Vaega lenei o Fuafuaga Alulau Mamao, Faiga Faavae ma Suesuega o le Soifua Maloloina, e ese mai ana matafaioi faatulafonoina. E aofia ai ma le faatinoga o auunaga faafailautusi mo Komiti Faufautua o le Soifua Maloloina mo Upolu ma Savai'i. O nei komiti e ta'ita'ifono ai le afioga ile Minisita, Hon. Valasi Luapitofanua Toogamaga Selesele, ae sui taitaifono ai le afioga ile Minisita Lagolago, Afioga Foisala Lilo Tu'u Ioane.

E masani ona fono Komiti mo Upolu ma Savai'i i masina taitasi ma sui usufono e tuuina atu faamatalaga/ ripoti i faafitauli tau le soifua maloloina na latou matauina i totonu o nuu ma afioga ile afioga ile Minisita o le Soifua Maloloina ma le Matagaluega o le Soifua Maloloina e taalanoaina ma tuuina atu gaoiga talafeagai.

Vaega 4: Faamautinoaga o Tulaga Lelei o Auunaga o le Soifua Maloloina ma le mata'ituina o siama.

O le Vaega o Auunaga mo le Fa'amautinoaga o Tulaga Lelei o Auunaga o le Soifua Maloloina ma le Mata'ituina o Siama e latou te fa'afueina auunaga tau ta'ita'iga mo tomai faapitoa ma tuuina atu fautuaga ina ia lelei ai le fa'atinoga o le mata'ituina, faatonutonu faatulafonoina ma le fa'aaauauina o le atina'ega o tomai o le afaigaluega ile fa'amautinoaga o tulaga lelei e faatinoina ai auunaga ma le mata'ituina o siama e tusa ai ma le Tulafono a le Matagaluega o le Soifua Maloloina toe teuteuina ile 2019 ma isi tulafono talafeagai.

O matafaioi faatulafono a lenei vaega e aofia ai:

- (i) Tuuina atu o fautuaga tau ta'ita'iga faatomai faapitoa o le soifua maloloina
- (ii) Mata'ituina o tulaga lelei o le faatinoga o auunaga o le soifua maloloina ma le
- (iii) Pulea ma mata'ituina galuega faatino.

Aufaigaluega

O lenei afaigaluega e aofia ai tagata nei:

1. Ofisa Sili Lagolago

Pusa 8: Afaigaluega a le Vaega Faamautinoaina Tulaga Lelei o le Auunaga o le Soifua Maloloina ma le Mata'ituina o Siama

1. Taiulu o le Faamautinoaga o Auunaga lelei Fa'afomai

1. Taiulu o Auunaga mo Puipuiga ma le Puleaina o Siama

- | | |
|---|---|
| 2. Taiulu o le Famautinoaga o auunaga leleu Faaforma'i Nifo | 2. Ofisa Sinia o Auaunaga mo Puipuiga ma le Puleaina o Siamā |
| 3. Taiulu o le Faamautinoaga o auunaga lelei Faatausisoifua ma Faatosaga. | 3. Ofisa Sinia o Auaunaga mo Puipuiga ma le Puleaina o Siamā (TTM) |
| 4. Taiulu o auunaga tau Faatonutonu Faale-tulafono mo Fomai. | 4. Ofisa Sinia o Auaunaga mo Puipuiga ma le Puleaina o Siamā (MTII ma Savaii District Hospitals) |
| 5. Ofisa Sinia mo le faamautinoaga o auunaga lelei faa-fomai nifo | 5. Ofisa Sinia o Auaunaga mo Puipuiga ma le Puleaina o Siamā (Falemai Faaitumalo I Upolu ma le Vaega o Auaunaga mo le Soifua Maloloina Lautele) |
| 6. Ofisa sinia mo le faamautinoaga o auunaga lelei mo tomā lagolago faapitoa o le soifua maloloina. | |
| 7. Auaunaga tau fa'atonutonu faaletulafono mo falemai fa'a itumalo ma auunaga o le soifua maloloina lautele. | |

E sefulu ma le tolu (13) le afaigaluega galulue i leni vaega faatasi ai ma le Pule Sili lagolago. E sefulu (10) avanoa na mafai ona faatumu ile tausaga leni ae totoe le 2 o avanoa e lei maua lava se isi e faaigaluega ai.

Tala Faatatau o le Tupe ma lona Faaogaina

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT1,261,115	SAT1,196,239	SAT64,875	95%

O le tala o le tupe ua faamaonia mo leni Vaega e faaogaina i leni tausaga faaletupe e SAT1, 261,115. I le faaiuga o le tausaga faaletupe, sa mafai ona latou faaogaina le 95% o le latou paketi e tusa lena ma le SAT1, 261,115. O le isi (5%) te lei faaogaina mo le avanoa e pei ona faailoa atu i luga e lei mafai ona faatumuina i totonu o le tausaga faaletupe.

Galuega Ausia

1. Mata'ituina o le Tausisia e Tomā Faapitoa o le Soifua Maloloina o Ta'iala ma Alafua Faataatitia mo le Faatinoga o a latou Galuega.

O se tasi o matafaioi faatulafonoina a le Vaega leni, e aofia ai le mata'ituina o le tausisia e tomā faapitoa o le soifua maloloina o ta'iala ma alāfua o le faatinoga o a latou galuega. I le tausaga fa'aletupe nei, sa mafai ai e le Matagaluega ona fa'atino asiasiga mo le falema'i uma i Upolu ma Savai'i, ina ia mautinoa o lo'o usita'ia le Tusi Ta'iala mo le Puipuiga ma le mata'ituina o siama.

2. Fa'amaea le Iloiloga o Alafua ma Ta'iala mo Auaunaga Tau Tomā Faapitoa o le Soifua Maloloina.

E 4 iloiloga sa faatinoina o alafua ma taiala o auunaga tau tomā faapitoa o le Soifua Maloloima. E 3 taiala ua maea Na mafai e leni Vaega ona iloilo taiala mo auunaga tau tomā faapitoa o le Soifua Maloloina e fa (4). E tolu (3) taiala ua mae'a ona fa'amae'aina ma lomā, o taiala ia mo auunaga o Nifo, Faletalavai, ma auunaga lagolago.

3. A'oa'oga mo le faalauteleina o le tomā o le afaigaluega

Sa fa'atinoina ni a'oa'oga e uiga i Ta'iala mo le Puipuiga ma le mata'ituina o siama, ma le Tete'e atu i le soona faaoga faaletatau o fualaau ma vailaau (Antimicrobial Resistance) mo tagata faigaluega fou ma tagata faigaluega fa'apitoa i vaega o le falema'i.

4. **Asiasiga Fa'afuasei i le falemai ma Suetusi Faalotoifale.**

O le faafoeina o asiasiga faalilolilo ma le su'etusiina o auaunaga faatino i falemai taitasi, o le tasi foi lea matafaioi faatulafonoina a lenei vaega. I le tausaga faaletupe lenei, o nisi nei o asiasiga sa mafai ona o latou faatinoina:

- (i) Tausisia e falema'i uma o auaunaga tau le puipuiga ma le fa'aitiitia o le pepesi o siama;
- (ii) Suetusi faalotoifale o le fa'amamāina o lima (hand hygiene audits)
- (iii) Faatino suetusi faalotoifale e ala i le faatautaia o suesuega

Vaega 5: Resitala ma le Atinaega o Tomai Faapitoa ole Soifua Maloloina

O le vaega lenei e latou te galueaina le Tulafono o le Faamauina ma le Resitalaina o Tomai Faapitoa o le Soifua Maloloina 2007; ma tuuina atu fautuaga i Fono a Tomai Faapitoa o le Soifua Maloloina, e fesootai ma le resitalaina o tomai faapitoa o le soifua maloloina, o le faamatuu atu o tusi faamaonia e galulue ai tomai faapitoa eseese ma le tulaga tau le lē tausisia o alāfua o auaunaga.

O a latou matafaioi faatulafonoina e aofia ai:

- (i) Mataitu ma faatino le resitara mo tomai faapitoa ma auaunaga lagolago o le soifua maloloina e pei ona pasia e le laulaufono o tomai faapitoa o le soifua maloloina
- (ii) Faafoe faatinoga ma faaseā tuuina mai e le atunuu e faasaga I tomai faapitoa o le soifua maloloina.

Aufaigaluega

O lenei vaega e aofia ai le aufaigaluega nei:

1. Ofisa Sili Lagolago

Pusa 9: Aufaigaluega Faafaigaleugaina ile Vaega o Auaunaga tau Resitala ma le Atina'ega o Tomai Faapitoa ole Soifua Maloloina

Resitala o Tomai Faapitoa o le Soifua Maloloina ma le Atina'ega o Tomai Faapitoa

1. Taiulu mo Tomai Lagolago Faapitoa
2. **Taiulu mo Tausisoifua Soifua Maloloina**
3. Ofisa Resitara Sinia
4. Ofisa Lagolago

E to'afa (4) le aufaigaluega sa faafaigaluegaina i lalo o le vaega o le Resitara o Tomai Faapitoa o le Soifua Maloloina ma le Atina'ega o Tomai Faapitoa e le aofia ai le latou Ofisa Silisili Lagolago. E tolu (3) avanoa na faatumuina ae tasi le avanoa e lei mafai ona faafaigaluegaina ai se tasi.

Tala Faatatau o le Tupe ma lona Faaogaina

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT1,365,822	SAT1,357,786	SAT8,036	99%

O le tala o le tupe na faamaonia mo lenei Vaega e Faaogaina i lenei tausaga faaletupe e SAT1,365,822. I le Faaiuga o le tausaga faaletupe, sa mafai ona latou Faaogaina le 99% o le latou paketi i lona aofaiga e SAT1,357,786. O le totoe ai o le SAT8,036 e le'i faaogaina, e mo le avanoa e le'i faatumuina e pei ona faailoa atu i luga I totonu o le tausaga faaletupe lenei.

Galuega Ausia

1. Mata'ituina o le Tausisia e Tomai Faapitoa o le Soifua Maloloina o Aiaiga Fa'ale-Tulafono o le Resitala

E pei ona ta'ua i luga o se tasi o galuega faatulafonoina a le Vaega o Resitala ma le Atina'ega o Tomai Faapitoa, o le mata'ituina lelei lea o le usita'ia e e tomai faapitoa o le soifua maloloina e aofia ai ma foma'i tomai lagolago faapitoa o aiaiga faaetulafono o lo latou resitalaina, e pei ona faamanino i totonu o le Tulafono o le Fa'amauina ma le Resitala o Tomai Faapitoa o le Soifua Maloloina 2007.

2. Tuuina atu o Tusipasi Fa'afaigaluega Fa'aletausaga (APC) mo Tomai Faasoifua Maloloina

O le pusa (Pusa 10) o loo i lalo o lo o faailoaina atu ai le aofai o Tusi Pasi Aloaia na tuuina atu i tomai faapitoa ile tausaga faale-tupe lenei.

Pusa 10: Tusipasi o Faatinoga Tuuina atu mo Tomai Faapitoa TF 2022/23

Tomai Faapitoa o le Soifua Maloloina	Aofai o Tusi Pasi Aloa'ia e Faafaigaluega ai
Tausisoifua Faamauina	127
Tausisoifua Resitalaina	498
Fomai	84
Tomai Tuto'atasi	42
Fomai Nifo (fomai tumaoti ma fomai i Falemai a le Malo)	18
Inisinia ma Tomai Faapitoa Fesoasoani	17
Tomai Lagolago Faapitoa ole Soifua Maloloina	37
Tusi Pasi mo fomai galulue le tumau	43

3. Aoaoga mo le Aufaigaluega mai Tomai Faapitoa Ese'ese

O le isi lenei galuea faatulafonoina a le Vaega o Resitala ma le Atina'ega o Tomai Faapitoa, o le faatautaia lea o aoaoga mo le Aufaigaluega mai Tomai Faapitoa Ese'ese. I totonu o le tausaga faaletupe lenei, sa maitauina le tele o aoaoga mo le Aufaigaluega sa faatinoina e aofia ai aoaoga sa faatinoina i atunuu mamao faapea foi Samoa nei.

4. Faafoega o faaseā a ma'i ma faaseā faasaga i Tomai Faalesoifua Maloloina

O se tasi o galuega autu a lenei vaega o le faafoeina lea o faaseā ma faitioga a gasegase e faatatau i le faatinoga ma amioga a le aufaigaluega o le soifua maloloina.

5. Faafoega ma le Puleaina o Aoaoga mo le Toe Atina'eina o Tomai Faapitoa o le Soifua Maloloina

O le taua o le faatinoina o polokalame faamaonia mo le atina'ega o tomai faapitoa o le soifua maloloina, e le na'o le faalauteleina o lo latou malamalama i o latou lava tomai faapitoa, ae faapea fo'i le faatinoga o mana'oga e maua ai Tusi Pasi e Galulue ai i tausaga ta'itasi.

Soo se tomai faapitoa o le soifua maloloina e moomia le faatinoina o aoaoga e atina'e ai tomai ma agavaa e faatinoina ai a latou matafaioi. Sa faatinoina aoaoga faapenei ile tausaga faale-tupe lenei mo tomai faapitoa uma o le soifua maloloina.

6. Aoaoga Faalauiloa Amata mo le Aufaigaluega Fou ole Soifua Maloloina

E taua tele le faatinoga o aoaoga faalauiloa amata mo le aufaigaluega fou o le Matagaluega, ina ia lava ai lo latou silafia i matafaioi faatulafonoina o le Matagaluega

faapea ai ma le fesoota'iga o latou galuega faatino i isi galuega faatino a le Matagaluega faapea le vaega lautele o le soifua maloloina.

O le Aoaoga Faalauiloa Amata mo le Aufaigaluega Fou o le Matagaluega o le Soifua Maloloina sa faatinoina lea ile Potu Fono 1 o le Ofisa Tutotonu o le Matagaluega o le Soifua Maloloina. Sa valaaulia ai nisi o le pulega o le Matagaluega e faatino a latou folasaga faatatau i matafaioi faatulafonoina a a latou vaega ma faailoa fesootaiga i vaega o tomai faapitoa eseese o le soifua maloloina. E le gata i lea, ae sa folasia ai foi e le tama'ita'i loia a le Matagaluega aiaiga o galuega faatino a le aufaigaluega i lalo o tulafono, faiga faavae ma ta'iala a le Komisi e Pulea Galuega a le Malo, faapea ai ma tulafono o lo o lima ta'ita'iina ai auaunaga faasoifua maloloina ta'itasi.

7. Faatinoga o Auaunaga Faafailautusi mo Fono Faafoe a Tomai Faapitoa ole Soifua Maloloina

O le Ofisa o le Resitala ma le Atina'ega o Tomai Faapitoa o le Soifua Maloloina e latou te faatinoina auaunaga faafailautusi mo fono faafoe taitasi o tomai faapitoa o le soifua maloloina pe a faatino a latou fonotaga.

I le tausaga faale-tupe lenei, sa faatinoina ai e le vaega lenei auaunaga faafailautusi mo fono faafoe uma o tomai faapitoa o le soifua maloloina.

Vaega 6: Vaega o Auaunaga e Mata'ituina Faama'i ma le Tulafono Faatonutonu Faava-o-Malo o le Soifua Maloloina

O le matafaioi a le Vaega lenei e aofia ai le aoina mai o faamatalaga faatatau i faama'i pipisi ma faama'i ogaoga e a'afia ai totoga ma faia iai faaiuga ile tulaga o le pepesi ai mai lea taimi i lea taimi. O le faanaunaga o le faatinoga o nei auaunaga ia siitia ai le tulaga o le soifua maloloina ma le soifua manuia o tagata, faaitiitia tulaga tau le faailoga tagata o le faatinoga o auaunaga, ma ia malu puipua le soifua maloloina lautele, faapea foi ma le tuuitiitia o le alualu i luga o le aafiaga o tagata i gasegase.

O matafaioi faatulafonoina a lenei Vaega e aofia ai le:

- (i) Mata'ituina o faama'i
- (ii) Puleaina o fa'ama'i e afua mai manu fa'alafua
- (iii) Auaunaga tau su'esuega o le soifua maloloina lautele
- (iv) Mata'ituina o le Saogalemu ma le Soifua Maloloina o le Suavai Taumafa
- (v) Puleaina ma le Faafoeina o Auaunaga mo Suiga o le Tau ma ona a'afiaga i le Soifua Maloloina
- (vi) Auaunaga o le Soifua Maloloina i Uafu ma Malaevaalele Fa'ava'o-Malo ma le
- (vii) Puleaina ma le Faafoeina o Auaunaga mo le Taifoi

Aufaigaluega

O le aufaigaluega a le vaega lenei e aofia ai

1. Ofisa Sili Lagolago

Pusa 12: Aufaigaluega Faafaigaluegaina i Lalo o le Vaega e Mata'ituina Fa'amai ma Tulafono Fa'atonutonu Fa'ava-o-Malo o le Soifua Maloloina

Vaega e Mata'ituina Fa'ama'i	Vaega e Pulea ma Fa'afaoeina Faama'i e afua mai Manu Fa'alafua	Vaega o Su'esu'ega	Vaega e Mata'ituina le Saogalemu o le Suavai Taumafa	Vaega e Mata'ituina Suiga o le Tau ma ona Aafiaga i le Soifua Maloloina	Vaega o Auaunaga o le Soifua Maloloina i Uafu ma Malaevaalele Faava-o-Malo	Vaega o Auaunaga le Taifoi
------------------------------	--	--------------------	--	---	--	----------------------------

1. Taiulu o Auaunaga Tau Mata'ituina o Faama'i	1. Ta'iulu o Auaunaga mo le Puleaina o Fa'ama'i afua mai Manufa'alafua	1. Ta'iulu o Auaunaga Tau Suesuega	1. Taiulu o Auaunaga mo le Saogalemu o le Suavai Taumafa	1. Taiulu o Auaunaga mo le Suiga o le Tau ma aafiaga o le Soifua Maloloina	1. Taiulu o Auaunaga o le Soifua Maloloina i uafu ma male vaalele	1. Taiulu o Auaunaga mo le Taifo
2. Ofisa Sinia o Auaunaga Tau Mata'ituina o Fa'ama'i	2. Ofisa Sinia o Auaunaga mo le Puleaina o Fa'ama'i afua mai Manufa'alafua	2. Ofisa Sinia o Auaunaga Tau Suesuega = 2	2. Ofisa Sinia o Auaunaga mo le Suavai Taumafa	2. Ofisa mo le Mata'ituina o le Suiga o le Tau ma aafiaga ile Soifua Maloloina	2. Ofisa Sinia mo Auaunaga o le Soifua Maloloina i Uafu ma Malaevaalele = 2	2. Taiulu o Tausisoifua Sinia
3. Ofisa o Auaunaga Tau Mata'ituina o Fa'ama'i = 2	3. Ofisa o Auaunaga mo le Puleaina o Faama'i afua mai Manufa'alafua		3. Inisinia Sinia mo Suavai Taumafa		3. Ofisa mo Auaunaga o le Soifua Maloloina i Uafu ma Malaevaalele = 2	3. Tausisoifua Sinia
	4. Ofisa e Mata'ituina le Tumamā (Avanoa)		4. Ofisa Lagolago mo le Soifua Maloloina o le Siosiomaga			4. Inisinia mo Suesuega
	5. Ofisa mo Auaunaga mo Fa'ama'i afua mai Manufa'alafua ma le Tumamā					5. Tausisoifua Faamauina (Avanoa)
						6. Ofisa mo le Soifua Maloloina o le Siosiomaga

E toa 29 le aufaigaluega ile vaega lenei e aofia ai ma le Ofisa Sili Lagolago. E 26 avanoa ua mae'a faatumuina, ae tolu (3) avanoa e lei mafai ona faatumuina ile tausaga faale-tupe lenei e pei ona faailoaina atu ile lanu mumu ile Pusa o loo i luga.

Tala Faatatau o le Tupe ma lona Faaogaina

Tala Faatatau o le Tupe ile Tausaga	Tupe Faaogaina	Tupe Totote	% o Tupe Faa'aalu
SAT2,175,136	SAT2,057,706	SAT117,430	95%

E 95% o le tala faatatau o le tupe mo le vaega lenei sa mafai ona faaaogaina ile tausaga faale-tupe lenei. O le 5% e lei mafai ona faaaogaina e mo avanoa faigaluega e lei mafai ona faatutumuina ile tausaga lenei ua ripotia.

Galuega Ausia:

1. Fausiaina o Ripoti tau Su'esu'ega o Fa'ama'i

(i) Ripoti Ta'i Vaiaso o Su'esu'ega o Fa'ama'i

O le tapenaina o ripoti ta'i vaiaso o su'esu'ega o fa'ama'i, o se tasi lea o matafai faatino a lenei vaega. I le tausaga faale-tupe lenei, ua numera silia ai ripoti na tapenaina e le vaega lenei mo faama'i, ona o le taumafaiga ia ripotia le tulaga na iai le Koviti-19 i Samoa, ma isi faama'i pipisi e pei o le fulū.

(ii) Ripoti o le Mata'ituina o Fa'ama'i

I lalo o le vaega lenei, e lima (5) vaega o auaunaga o lo o faatinoina ai. E tofua lava vaega nei e lima ma ripoti e tapenaina mo le mata'ituina o fa'ama'i, e tusa ai ma alāfua faata'atitia e lima ta'ita'iina ai le faatinoga o a latou galuega.

I le tausaga faale-tupe lenei, o nisi nei o ripoti sa tapenaina e pei ona faailoaina atu ile Pusa o i lalo:

Asiasiga Faatino ale Vaega Mata'ituina Faamai TF2022/23

Vaega	Ripoti	Taimi Faatino ai
Faamai Faalotoifale	Ripoti ole Koviti 19	Aso Taitasi
Vaega e Mata'ituina	Ripoti o Faamai e tatau ona faailoa	Vaiaso
Fa'ama'i	Faamatalaga ole Suiga ole Tau	E lei maea tuufaatasia
	Faamai e iloa gofie auga	
	Aoaoga Toe Faamanatu mo le asiasiga e mataitu ai faamai	

Vaega o Auaunaga mo Suiga o le Tau ma A'afiaga ile Soifua Maloloina	Fausiaina o polokalame mo faamai e mataitu ai faalavelave tutupu ma ripotia	
Vaega e Mata'ituina le Suavai	Suesuega o Suavai mai le Pulega o Suavai	Masina
	Ripoti o asiasiga faatino i punavai eseese mo le suavai taumafa	Tai tolu masina
	Mata'ituina o fale gaosi suavai taumafa	Masina
	Mata'ituina o punavai uma o le suavai taumafa	Tai tolu masina
Vaega o Auaunaga mo Uafu ma Malaevaalele	Faatinoga o auaunaga o le soifua maloloina i le uafu fava-o-malo ma le Malaevaalele i Faleolo	Vaiaso

O ripoti uma nei sa fesoasoani ile tuuina atu o fautuaga ile Ofisa o le Faatonu Sili Aoao o le Soifua Maloloina ma le Minisita o le Soifua Maloloina mo le faia o fa'aiuga talafeagai

2. *Tuuina atu o Fautuaga mo le Mata'ituina o Fa'ama'i*

E faalagolago tele le afioga ile Minisita o le Soifua Maloloina, Faatonu Sili Aoao o le Soifua Maloloina ma le Pulega a le Matagaluega i ripoti faatino e faavae ai le faaleleia o auaunaga o le soifua maloloina, siitia ai le atina'ega o le faagasologa o le auaunaga o le soifua maloloina, ma faailoa i ta'ita'i o le malo vaega e mo'omia ai le fesoasoani.

I le tausaga faale-tupe lenesi, na matua iloga ona aafia le tamaoaiga o le atunnu ile Koviti-19. O le mafuaaga lea na taga'i ai le malo ini auala e fesoasoani e faaitiitia ai a'afiaga o le soifua maloloina ma le tamaoa'iga o le atunu'u mai le Koviti-19.

O le Vaega e Mata'ituina Faama'i ma le Tulafono Fa'atonutonu Fa'ava-o-Malo sa mafai ona o latou faatinoina fautuaga ile tausaga faaletupe lenesi:

- Lapata'iga mo Malaga faatatau i Puipuiga o le Koviti-19
- Faataatiaga o Galuega mo le Fa'agasologa o Auaunaga mo aafiaga o le soifua Maloloina e afua mai ile Suiga o le Tau
- Galuega faatino e faatupeina e le Faaputuga tupe mo Suiga o le Tau ma le
- Faatinoga o le Polokalame Faatino mo le taifoi e pei o le faiga o tui puipui o le taifoi.

3. *Auaunaga o le Soifua Maloloina i Uafu ma Malaevaalele*

I le faatinoga o auaunaga e tali atu ai ile Koviti-19 ile tausaga faale-tupe lenesi, sa faatinoina ai e le Vaega e Mata'ituina Su'esu'ega o Fa'ama'i e faamautinoaina ai le saogalemu ma le soifua maloloina o Samoa, ina ia malu puipuia e ala lea ile faatinoga o auaunaga masani o le soifua maloloina i uafu ma malaevaalele.

O matafaioi faatulafonoina a le Vaega o Auaunaga o Uafu ma Malaevaalele e aofia ai le:

- (i) Faia o siaki faasoifua maloloina mo vaa a lalo i le Uafu i Matautu
- (ii) Faailoa o lapata'iga o femalagaa'iga mo vaalele ma va'a fagota ona o le Koviti-19
- (iii) Ia mautinoa le faia o siaki o le soifua maloloina mo vaalele ma vaa a lalo
- (iv) Ia mautinoa e le mafai ona tuvae se tasi mai faigamalaga e aunoa ma le uia o ta'iala o faigamalaga.

- (v) Ia mautinoa e laeiina e le aufaigaluega o vaalele laei e puipuia mai ai faama'i ile taimi atoa e faatinoina ai galuega
- (vi) Ia mautinoa o le lafoa'iiga o laei faapitoa mo puipuiga ile faatinoga o auaunaga i luga o vaalele ma malaevaalele ia lelei faatinoina ile uafu i Matautu ma le malaevaalele i Faleolo

4. *Iloiloga Tuufaatasi a le Faalapotopotoga ole Soifua Maloloina ole Lalolagi (JEE)*

Na tuufaatasi ile tausaga 2015 le Faavaa mo le Mata'ituina ma le Iloiloina o Tulafono mo le Soifua Maloloina Faava-o-Malo, ina ia atiae atunuu ma ia galulue faatasi e aofia ai ma vaega tomai faapitoa tumaoti. E fa (4) vaega ua vaevaeina iai le faavaa, e iai:

- ✓ Ripoti Faaletausaga (SPAR)
- ✓ Faatinoga
- ✓ Iloiloga pe a maea faatinoga (AAR)
- ✓ Iloiloga Tuufatasi a Vaega Eseeese (JEE)

Sa faatino e le Vaega e Mataituina Faamai ma Tulafono Faatonutonu Faava-o-Malo le fonotaga a Matagaluega o loo aofia ile faatinoga o lea vaega taua aemaise o vaega taitasi a le matagaluega. O le JEE o loo lagolagosua i atunuu ile faailoaina lea o vaega e leo mafai ona maua ia latou polokalame, ina ia ave iai le faamuamua mo avanoa e faamautu ai tapenaga ma le tali atu, ma galulue faatasi ai ma paaga e fesoasoani mai.

5. *Faatinoina ole Faainuga Fualaa ole Mumu Tutupa (MDA)*

O le masina o Setema ile Aso 16 – 24 2023, na faatino ai le atunuu atoa le faainuga o fualaa mo le mumu tutupa. Na savalia e le matagaluega aiga taitasi i nuu, aemaise o matagaluega a le malo, pisinisi ma kamupani tumao

- ✓ Nofoaga sa faatino ai
- ✓ Vaega Taitasi e savalia aiga

6. *Aoaoga mo le Faalauteleina o le Tomai o le Aufaigaluega ma ana paaga*

Ua maua tuufaatasi le Fuafua Alualu Mamao mo le Faafoega o le Faamai e afua mai Namu 2023 – 2033. O aoaoga ma fonotaga na faatino i lenei tausaga 2022 ina ia mafai ona tuufaatasi ma faatino le fuafuaga. Na faatino foi e le Fale Suesue mo Soifua Maloloina Lautele se aoaoga faapitoa e fesoasoani ile tomai ma le agavaa o le aufaigaluega ole fale suesue e uiga ile tinomi (Genome).

Vaega 7: *Faleteuoloo o Fualaa ma Vailaa mo Togafitiga*

O le Faleteuoloo o Fualaa ma Vailaa mo Togafitiga e nafa ma le faafoeina o oka ma le tufatufaina atu o vailaa ma fualaa mo togafitiga i vaega uma o le auaunaga e mo'omia fa'atasi ai ma le mataituina ma le faitauina o oloa o loo mafai ona teuina ai. O la latou matafaioi faatulafonoina e aofia ai le teu maluina o fualaa ma vailaa mo togafitiga, faatasi ai ma le tufatufaina atu i falema'i uma.

Aufaigaluega

O le aufaigaluega o lenei vaega e aofia ai:

1. Ofisa Sili Lagolago

Pusa 13: Aufaigaluega ile Faleteuoloo o Vailaa ma Fualaa mo Togafitiga (tulaga sa faaigoa ai le avanoa muamua)

Faleteuoloo o Vailaa ma Fualaa mo Togafitiga

1. Taiulu o Auaunaga mo le Faleteuoloo o Vailaa ma Fualaa mo Togafitiga

2. Ofisa Sinia o Auaunaga mo le Faletuolua o Vailaau ma Fualaaui mo Togafitiga = 2
3. Ofisa mo le Mata'ituina o Fualaaui (sa ofisa lagolago mo le Faletuolua- Fualaaui & Vailaau)
4. Ofisa mo le Mata'ituina o Oloa o le Faletuolua (sa ofisa lagolago mo le Faletuolua- oloa faaoga mo togafitiga)
5. Ofisa e Tufaina Oloa (sa ofisa lagolago mo le Faletuolua- Savaii)
6. Ofisa e Nafa ma le Totogiina o Oloa (sa ofisa lagolago mo le Faletuolua- Upolu)
7. Ofisa e nafa ma le teuina o oloa = 2 (avanoa e 2 mo tagata sa aaoaina I mataupu tau talavai)

E to'a sefulu (10) le aofaiga o le afaigaluega o lo'o galulue i le vaega leni, ma sa faatumuina uma avanoa faigaluega i le tausaga fa'ale-tupe leni.

Tala Fa'atatau o le Tupe ma lona Fa'aaogaina:

Tala Faatatau o le Tupe i le Tausaga	Tupe Faaogaina	Tupe Totoe	% o Tupe Fa'aalu
SAT10,705,303	SAT10,648,501	SAT56,802	99%

E 99% o le tupe faatatau sa fa'aogaina mo leni tausaga fa'ale-tupe.

Galuega Ausia:

1. Mata'ituina o le Faatauina, Tufatufaina ma le Teuina o Oloa Tau Faletalavai

O le Faletuolua o Oloa tau Faletalavai, e nafa ma le okaina ma le faatauina mai, o le teumaluina ma le faamatu'u atu o oloa nei mo falema'i uma o lo o i lalo o le ta'ita'iga a le Matagaluega o le Soifua Maloloina. E aofia ai falema'i tutotonu i Upolu ma Savai'i (TTM ma le MTII), o falema'i fa'aitumalo faapea falema'i laiti ma auaunaga tumaoti.

2. Mata'ituina o le Polokalame Faapitoa mo le Faatinoga o Auaunaga Tau Oloa o Faletalavai (PLIMS)

O le polokalame ua ta'ua i luga (PLIMS) ua faaaogaina nei e le Faletuolua o oloa tau Faletalavai e fesoasoani ile faafoeina o le okaina, teuina ma le tufatufaina o oloa tau talavai. Sa faatautaia e le Faletuolua o Oloa Tau Faletalavai asiasiga masani ile tausaga ma maitauina ai ole faafitauli tele o feagai ma le afaigaluega ile faaogaina ole polokalame ua ta'ua o le mSupply o tulaga ile fesootaiga ma faafitauli ile initaneti.

3. Faafouina o le Lisi o Fualaaui Tāua (EML)

O le Lisi o Fualaaui Tāua o lo o lisiina ai fualaaui mo'omia mo puipuiga o le soifua maloloina mai faama'i pepesi faapea ma isi faamai e fesootai ile soifua maloloina lautele, ina ia mautinoa e saogalemu, taugofie ma ia maua i taimi uma. O le % o Fualaaui o lo'o okaina ae leo lisiina I totonu o leni lisi (EML) I lona tulaga faatauina ma le aofaiga e 1.3% ma le 2.7%. O le mataituina ma le faafouina o leni lisi e fesoaoani ile ausiaina o le 95% o fualaaui e tatau lava ona maua i taimi uma, ma tufatufaina atu i falema'i fa'aitumalo ina faigofie ona maua e le mamalu o le atunu'u. E faatinoina e le Faletuolua oka i vaiaso ta'itasi mo falema'i uma e ala lea ile faaaogaina o le polokalame ua ta'ua o le mSupply.

4. Su'egaoloa a le Faletuolua o Oloa tau Faletalavai

O le taua o le faatautaiga o su'egaoloa o le Faletuolua o Oloa tau Faletalavai, e faamautinoa ai o lo o lava oloa e tua iai auaunaga, ma e taua ina ia sa'o atoatoa fa'amaumauga. O lona uiga ina ia mafai ona faitauina uma oloa o lo'o teuina ma faatulaga I vaega e tatau ai. E le gata i lea, ae ia mautinoa foi o lo o lava fualaaui ma vailaau e tusa ma le manaoga tuuina atu ile Faletuolua.

Ua maea faafoeina ile suegaoloa a le Faletuolua I leni tausaga faa-le-tupe ina ia fa'amautinoa ai o lo'o sao atoatoa faamaumauga e tusa ai ma le polokalame o lo'o faaogaina PLIMS ma le mSupply. A fai ae sao lelei faamaumauga nei olea atagia ai le lelei ole polokalame o faaogaina e mataituina ma faafoeina ai foi oloa tau faletalavai a le Faletuolua.

5. Faafoeina ma le Puleaina o Oloa ua Uma le Aogā

O se tasi o matafaioi patino a le Faletuolua o le faamautinoaina lea o lo o lelei faafoeina ma le mataituina lelei o oloa ma ia tuuititia le aofaiga o oloa ua maea le taimi faatulagaina le aogā.

E o’o ane ile fa’aiuga ole tausaga faale-tupe lenei, e Zasiasiga sa mafai ona faatinoina. Ua maea tuufaatasia ripoti ma tuuina atu I le vaega Suetusi Fa’alotoifale. O i e atagia ai le lelei o le polokalame ua faaogaina e mata’ituina ai oloa o le faletuolua.

6. Mataituina o le Faaogaina o le mSupply i falema’i i nu’u i tua

O le Faletuolua e nafa ma le faatautaiga o asiasiga i falema’i i nuu i tua i Upolu ma Savai’i ina ia mautinoa o loo lelei le faaogaina o le polokalame mSupply ile faafoeina ma le okaina o fualaau ma vailaau mo togafitiga ina ia sao atoatoa faamaumauga e tusa ai me le aofaiga o oloa o loo taulimaina.

I le tausaga faale-tupe lenei, sa faafoeina ai asiasiga e 9 mo falema’i uma i Upolu ma Savaii e mata’ituina ai le faaogaina o le mSupply.

Vaega 8: Auaunaga Tau Faamatalaga ma le Faatinoga o Iloiloga ma le Mata’ituina o le Soifua Maloloina

O le vaega lenei e nafa ma le tuufaatasi o faamaumaga ma faamatalaga ma le faatinoga o iloiloga ma le mata’ituina o le soifua maloloina mo le fausiaina o faiga faavae ma le faia o faaiuga mo vaega e ave iai le faamuamua o le soifua maloloina, o le faletusi o le soifua maloloina, e lagolagoina ai le atinaega o tomai aemaise o le faafoeina o auaunaga tau iloiloga ma le mata’ituina o poloketi o le soifua maloloina, o le Fuafuaga Alualu Mamao o le Soifua Maloloina ma isi fuafuaga ma faiga faavae a le Matagaluega ole Soifua Maloloina.

O matafaioi faatulafonoina a lenei vaega e aofia ai:

- (i) Faafoeina o faamaumauga o le soifua maloloina
- (ii) Faatinoga o iloiloga ma le mata’ituina o le soifua maloloina ma le
- (iii) Faafoeina o le faletusi o le soifua maloloina

Aufaigaluega

O le aufaigaluega o le vaega lenei e aofia ai:

1. Ofisa Sili Lagolago

Pusa 14: Aufaigaluega Galulue ile Vaega o Faamatalaga ma le Iloiloga ma le Mata’ituina o le Soifua Maloloina

Vaega o Auaunaga o Faamatalaga o le Soifua Maloloina	Vaega o Auaunaga Tau Iloiloga ma le Mata’ituina o le Soifua Maloloina
1. Ta’iulu o Auaunaga Tau Faamatalaga o le Soifua Maloloina	1. Ta’iulu o Auaunaga Tau Iloiloga ma le Mata’ituina o le Soifua Maloloina
2. Ofisa Sinia o Auaunaga Tau Faamatalaga o le Soifua Maloloina	2. Ofisa Sinia o Auaunaga Tau Iloiloga ma le Mata’ituina o le Soifua Maloloina
3. Ofisa o Auaunaga Tau Faamatalaga o le Soifua Maloloina	
4. Ofisa e Faamaumauina Faamatalaga = 3	

E to’aiva (9) le aufaigaluega o lo’o galulue I le vaega lenei, ma o avanoa faigaluega uma sa faatumuina i le tausaga faale-tupe lenei

Tala Faatatau o le Tupe ma lona Fa'aogaina:

Tala Faatatau o le Tupe i le tausaga	Tupe Fa'aogaina	Tupe Totoe	% o Tupe Fa'aalu
SAT944,772	SAT810,567	SAT134,204	86%

O le tupe faatatau sa fa'amaonia mo le vaega lenei mo lenei tausaga faale-tupe e SAT944,772. E mae'a ane le tausaga faale-tupe lenei, ua mae'a fa'aogaina le 86% o le tupe faatatau mo le vaega lenei ma e SAT134,204 vaega tupe o lo'o totoe.

Galuega Ausia:

1. Faafoega ole Auaunaga Faletusi

O le tasi lea vaega fa'aopo'opo a le Matagaluega e tauala atu ile auaunaga mo le faafoega ole Fale Tusi, e fesoasoani ai ile faatinoga a le auaunaga ma le faatumauina ole tomai ma le iloa o tagata faigaluega. Sa faatino aoaoga e faatatau ile fa'aogaina o tekonoosi e fa'aaoga ai le faletusi a le Matagaluega. O fa'amatalaga uma e manaomia mo aoaoga o loo maua ile faletusi.

2. Faafoega o Resitala o e Fananau mai, Faaipoipoga ma Maliu

O le tasi lea matafaioi ua faatulafonoina a le Vaega o Faamaumauga a le Matagaluega o le galulue faatasi ma le Fuainumera o Faamaumauga a Samoa ma isi Matagaluega ile aoina o faamaumauga atoatoa ona sa'o ma moni mo tagata tai toatasi i lalo ole Polokalame mo le Resitala o e fananau, Faaipoipo ma Maliu.

Vaega 9: Auaunaga Faatekonolos mo Faamatalaga ma Feso'otaiga o le Soifua Maloloina

O le Vaega o Auaunaga tau Faatekonolos mo Faamatalaga ma Feso'otaiga o le Soifua Maloloina, e nafa ma le faafoeina o auaunaga faatekonolos mo faamatalaga ma feso'otaiga o le soifua maloloina e ala lea ile faaogaina o tekonoosi faaonapo nei mo le aoina ma le fa'amaumauga o fa'amaumauga o le soifua maloloina. O lenei vaega e galulue ina ia fa'amausaliina fa'amaumauga o le soifua maloloina, ma mautinoa le malu puipuia o nei fa'amaumauga.

O matafaioi faatulafonoina a lenei vaega e aofia ai le:

- (i) Faafoega o auala mo faamaumauga o le soifua maloloina
- (ii) Faafoega o faamaumauga ma feso'otaiga faatekonolos ma le
- (iii) Faafoeina o auaunaga faalauiloa faatekonolos o le soifua maloloina

Aufaigaluega

O le aufaigaluega a lenei vaega e aofia ai le:

1. Ofisa Sili Lagolago

Pusa 16: Aufaigaluega Galulue i le Vaega o Auaunaga Faatekonolos mo Faamaumauga ma Feso'otaiga o le Soifua Maloloina.

Vaega o Auaunaga o Faamatalaga o le Soifua Maloloina	Vaega o Auaunaga Tau Faamaumauga mo Feso'otaiga Faaneionapo
1. Ta'iulu o Auaunaga Tau Faamatalaga Faatekonolos = 2	7. Ofisa Sinia o Auaunaga e faaoga ai mea faigaluega Faaneionapo
2. Tomai Faapitoa i Auaunaga o Faamatalaga Faafanua	8. Ofisa e tuufaatasia vaega Faaneionapo
3. Ofisa Sinia mo Auaunaga Tau Faamatalaga Faatekonolos = 1	
4. Ofisa Sinia mo Auaunaga Tau Faamatalaga	

- Faatekonolosi = 1 (avanoa)**
5. Ofisa mo Auaunaga o faamatalaga
Faatekonolosi = 1
- 6. Ofisa o Auaunaga Tau Faamatalaga**
Faatekonolosi = 2 (avanoa)

Tala Faatatau o le Tupe ma lona Faaogaina:

Tala Faatatau ole Tupe Fa'aaoga Tupe Totoe % Tupe Fa'aalu Tupe ile Tausaga			
SAT1,265,750	SAT1,166,039	SAT99,711	92%

Sa mafai ona faaaogaina e le Vaega leni le 92% o lana tala o le tupe faatatauina mo le tausaga faaletupe leni. O le 8% (\$99,711) e lei mafai ona faaaogaina e mo avanoa faigaluega e lei mafai ona faatumuina

Galuega Ausia:

1. Mata'ituina o le Fa'agasologa o Auaunaga Tau Tekonolosi mo Feso'ota'iga ile Matagaluega o le Soifua Maloloina

O se tasi o matafaii fa'atulafonoina a le Vaega o Auaunaga Fa'atekonolosi mo Feso'ota'iga ma Fa'amaumauga a le Soifua Maloloina, o le mata'ituina lea o le fa'agasologa o auaunaga tau tekonolosi o feso'ota'iga ma fa'amaumauga i falema'i uma o lo o i lalo o le va'ava'aiga a le Matagaluega e aofia ai falema'i tutotonu, falema'i laiti ma falema'i fa'aitumalo i Upolu ma Savai'i.

1. Faatinoina o faamatalaga faatekonolosi ma feso'otaiga i telefoni feavea'i

I totonu o leni tausaga fa'aletupe, na fa'aaau ai pea e le Matagaluega le fa'atinoina o le Poloketi a le E-Health e ala i le fa'afoega o fa'amatalaga fa'atekonolosi ma i luga o telefoni feavea'i e pei o le Tamanu ma le Tupaia apps, fa'apea ma le mSupply, i falema'i uma .O nei faiga o lo'o fesoasoani i le fa'aleleia o fa'amaumauga a gasegase ma le fa'atino lelei o le fa'atauina o vaila'au mo togafitiga.

2. Tausia lelei o Meafaigaluega Faatekonolosi ma lagolago I le faafoega o faamatalaga.

O le sini o nei asiasiga o le siakiina lea o meafaigaluega fa'atekonolosi i falema'i uma, ina ia mautinoa o lo'o lelei le fa'agaioiga, fa'apea fo'i ona iloa meafaigaluega ua le toe aoga ma mana'omia ona sui ua le toe aoga.

Vaega 10: Vaega e Mata'ituina le Faafoega ma le Fa'aoloaga o le Soifua Maloloina

O le Vaega e Mata'ituina le Faafoega ma le Fa'aoloaga o le Soifua Maloloina e latou te faatinoina galuega mo le sailia ma le mata'ituina o punaoa e atina'e ai le soifua maloloina e pei ona faatulafonoina ai le matafaii lea a le Maagaluega i lalo o le Tulafono Teuteu a le Matagaluega o le Soifua Maloloina 2019.

Matafaii faatulafonoina a le vaega leni e aofia ai le:

- (i) Faafoeina o polokalame mo le vaega lautele o le soifua maloloina
- (ii) Fa'aoloaina ma le faafoeina o fesoasoani auina maim o atina'e o le soifua maloloina
- (iii) Mata'ituina o le faagaioiga o polokalame o le soifua maloloina.

Aufaigaluega:

E toaiva (9) le aufaigaluega o lo'o galulue i lalo o le Vaega lenei, e ono (6) avanoa ua uma ona faatumu e aofia ai le male avanoa o le Ofisa Sili Lagolago, ma le 3 avanoa faigaluega o loo avanoa pea.

Tala Faatatau o le Tupe ma lona Faaogaina:

Tala Faatatau o le Tupe i le Tausaga	Tupe Faaogaina	Tupe Totoe	% o Tupe Fa'aalu
SAT909,635	SAT793,598	SAT116,036	87.2%

O le vaega tupe sa fa'atulaga mo lenei Vaega sa maualalo lona faaogaina, ona o ni avanoa faigaluega e le'i mafai ona fa'atumu i totonu o lenei tausaga fa'aletupe.

Galuega Ausia:

1. Ripoti o le Faatinoga o Polokalame o le Soifua Maloloina

O se tasi o matafaioi patino a lenei vaega e aofia ai le tapenaga o ripoti ole faatinoga o polokalame o le soifua maloloina. I le tausaga faale-tupe lenei, na mafai ona tuu faatasi ripoti o le faatinoga o polokalame o le soifua maloloina ale Faletupe o Le Lalolagi Faletupe o Atina'e a Asia, Polokamale o Atina'e o Malo Autasi mo le tausaga faale-tupe 2023-2024. O nei ripoti e faailoa atu ai i le malo o Samoa ma pa'aga fesoasoani a le soifua maloloina tulaga o iai le faatinoga o atina'e ma polokalame o lo o fesoasoani mai ai ile faatupeina. O le ripoti mo faatinoga o polokalamae o le Soifua Maloloina mai ia Iuni - Tesema 2023 ua maea faatinoina.

2. Fafoega o Malaga Asiasi a Pa'aga Fesoasoani mo Atina'e ma Polokalame o le Soifua Maloloina, faapea le Komiti Faafoe i Samoa

I le tausaga faale-tupe lenei, sa mafai ona faatautaia e le Vaega lenei le fafoega o Fonotaga a le Komiti Faufautua o Fesoasoani mo le Soifua Maloloina (HPAC) fa'apea ma asiasiga mo poloketi sa fa'atupeina mo le atina'eina o le soifua mālōlōina. O asiasiga na aofia ai:

1. Fonotaga a le Komiti Faufautua o Fesoasoani mo le Soifua Maloloina, Aso 8 Aukuso 2023
2. Fonotaga Faapitoa a le Komiti Faufautua o Fesoasoani o le Soifua Maloloina, Aso 23 Aukuso 2023
3. Fonotaga a le Komiti Fafuatua O Fesoasoani mo le Soifua Maloloina, Aso 27 Mati 2024
4. Asiasiga mo le lagolago i le fa'atinoina o le Poloketi PforR ma le Tali atu i le COVID-19, na faia ia Aperila 2023.
5. Asiasiga iloiloga mo le Poloketi "Systems Strengthening for Effective Coverage of New Vaccines in the Pacific," na faia ia Oketopa 16-20, 2023.
6. Asiasiga mo le lagolago i le fa'atinoina o le PforR mo le Soifua Mālōlōina ma le Tali atu i le COVID, na faia ia Novema 7-17, 2023.

3. Faafoeina o le Polokalame o le U'unaia o Auaunaga Faasoifua Maloloina (PFR)

O le vaega e Mata'ituina le Faafoeina ma le Faaoloaina o le Soifua Maloloina, e nafa ma le mata'ituina o faatinoga o le Polokalame momle U'una'iga o Auaunaga Faasoifua Maloloina (PFR) e pei ona faatupeina e le Faletupe o le Lalolagi. O lenei polokalame o loo fesoasoani i le malo o Samoa i le faatinoga o galuega faataatitia o le Faiga Faavae mo Fa'ama'i Ogaoga e a'afia ai totoga 2018-2023 ma le faamoemoe ia uuna'ia ai le faatinoga o polokalame faatinoga o polokalame faatino e puleaina ai le faatupula'ia o le a'afiaga o tagata i lea faama'i, aemaise lava o polokalame faatino mole aotelega o le soifua maloloina i totonu o nu'u ma afio'aga.

POUTŪ 2: AUAUNAGA TAU FALEMA'I

As shown in the Ministry of Health Functional Organizational Structure, there are six (6) Outputs that fall under Pillar 2 (Hospital and Clinical Services) of the Ministry of Health. These include: E pei ona faailoaina ati ule Faatulagaga ole Matagaluega o le Soifua Maloloina, e ono (6) vaega o loo I lalo ole Poutū 2 o Auaunaga a le Matagaluega o le Soifua Maloloina (Auaunaga Tau Falema'i). O vaega o auaunaga e aofia ai:

Pusa 16: Vaega o Auaunaga I lalo o le Poutū 2 o Vaega o Auaunaga a le Matagaluega ole Soifua Maloloina

VAEGA	FAAMATALAGA
Vaega 11	Falemai o le Tupua Tamasese Meaole (TTM)
Vaega 12	Auaunaga tau Suetoto
Vaega 13	Auaunaga tau fa'ata
Vaega 14	Auaunaga mo le Soifua Maloloina o Nifo
Vaega 15	Auaunaga Tau faletalavai mo le falema'i o le TTM
Vaega 16	Falema'i o le Malietoa Tanumafili II (MTII)
Vaega 17	Auaunaga Tuufaatasi tau le Tausisoifua mo Falema'i Tutotonu

O vaega uma nei o auaunaga tau falema'i e latou te faatinoina auauanaga e lagolagoina ai auauanaga faatino I totonu o le falemai tutotonu o le Tupua Tamasese Meaole ma le falemai o Malietoa Tanumafili II.

Vaega 11: Falemai Tupua Tamasese Meaole (TTM)

O le falema'i o Tupua Tamasese (TTM) o le falemai tutotonu lea o loo faatinoina auauanaga e fesoasoani ai i gasegase auina mai falemai i tua. E le gata I gasegase tausavali, ae faapea foi gasegase taofia mo togafitiga faapea foi ma gasegase auina atu i atunuu i fafo mo togafitiga.

O a latou metafaioi faatulafonoina e aofia ai le :

- (i) Auaunaga tau taotoga
- (ii) Auaunaga fa'afomai
- (iii) Auaunaga fa'afomai mo tamaiti
- (iv) Auaunaga faafoma'i mo gasegase tigaina
- (v) Auaunaga mo tina ma'i taga ma gasegase o fafine
- (vi) Auaunaga mo le soifua maloloina o tina to
- (vii) Auaunaga o le Soifua Maloloina o le mafaufau.
- (viii) Faafoeina o auaunaga a foma'i asiasi mai faapea fou ma gasegase auina atu I fafo mo togafitiga.

Aufaigaluega

E tusa ma le 133 le aufaigaluega i le falemai lenei. E leai se avanoa faigaluega faasalalauina sa faamauina i le tausaga faale-tupe lenei.

Tala Faatatau o le tupe ma lona Faaogaina:

Tala Faatatau o le Tupe i le Tausaga	Tupe Faaogaina	Tupe Totoe	% o Tupe Faaalu
SAT19,736,624	SAT19,490,643	SAT245,980	99%

E maea ane le tausaga faale-tupe lenei ua mafai ona faaogaina e le vaega lenei le 99%, mai le SAT19,736,624 o le tupe sa faamaonia. O le 1% o le tala o le tupe e lei mafai ona faaogaina , e mo faatauga a le falemai e lei mafai ona faatinoina i totonu ole tausaga faale-tupe lenei.

Galuega Ausia:

1. Faafoega o Faalavelave Tutupu Faafuasei ma Faalavelave I le Vaega o Gasegase Tausavali.

O le lelei ole auaunaga ofoina atu a le Matagaluega, e aofia ai le lelei ona faafoe o gasegase e tausavali mai aemaise o gasegase faafuasei e taunuu mai vave ona iloa mafua'aga o gasegase ma le sa'o ole togafiti e togafitia ai. I le Falemai Tupua Tamasese Meaole, e iai gasegase sa sulu mai mo se fesoasoani i lalo o auaunaga taitasi nei e aofia ai, Vaega mo Auaunaga Faafuasei, Falemai o Tamaiti, Falemai mo Taotoga, Faama'i Flu faapea vaega e fusifusia ai manua o ma'i. O aotelega o gasegase na tausia i vaega ua taua o lo'o fa'amalamalama manino i le siata o lo'o i lalo, ma fa'ailoa mai ai le aofa'i o tama ma teine.

O lo'o va'aia pea le fa'aaauuina o le maualuga o gasegase i Vaega o auaunaga muamua o le soifua maloloina, ma o loo tumau ai pea le maualuga o le fa'aaogaina o moega a le falema'i aemaise lava i auaunaga tau taotoga ma auaunaga fa'afomai. E fa'amaonia leni tulaga i le fa'aaauuina o le talosaga mo meafaitino e masani ona fa'aleagaina i le umi ona fa'aaogaina, e pei o moega mo gasegase, ta'avale fa'amomoe, nofoa feavea'i, ma masini ea malulu mo potu o gasegase.

2. Faafoeina o le Polokalame e auina atu ai Gasegase mo Togafitiga i Atunuu i Fafo.

O le Polokalame e Auina atu ai Gasegase i atunu'u i fafo sa faavaeina i le 1990 ina ia tali atu ai i manaoga o le atunu'u mo le sailia lea o togafitiga i atunuu mamao ona e le o mafai ona maua i Samoa nei.

E lua vaega ua vaevaeina iai leni polokalame:

- (i) O le polokalame a Samoa o lo o faatupeina e le Malo o Samoamo ona tagatanu'u ma le
- (ii) Polokalame a Niu Sila o lo o faatupeina e le Malo o Niu Sila mo ona tagatanuu o loo aumau i Samoa

3. Puleaina ma le faafoeina o meafaigaluega mo taotoga ma togafitiga i vaega eseese o le falema'i

O le isi matafaioi t'aua a le Matagaluega o le Soifua M'ololoina o le tu'uina atu lea o le auaunaga, saogalemu, puipuiga, pulega ma le fa'aleleia atili o meafaigaluega fa'afomai uma fa'apea punaoa o lo'o fa'aaogaina mo togafitiga ma le tu'uina atu o auaunaga. O le matafaioi autu a le CSSD (Central Sterile Services Department) o le fa'amautinoa lea o le saogalemu ma le mam'a o meafaigaluega o lo'o fa'aaogaina i potu o le falema'i i taimi uma.

Vaega 12: Auaunaga Tau le Su'esu'eina o le Toto ma Fa'ama'i

O le vaega leni o lo o nafa ma le faatautaia o su'esu'ega o le toto, fa'ama'i pipisi ma su'esu'ega faapitoa e fesoasoani i isi vaega o le auaunaga faasoifua maloloina aemaise o auaunaga faafomai ma auaunaga o le soifua maloloina lautele. O nei auaunaga ma su'esu'ega e tatala i le 24 itula mo aso e fitu o le vaiaso mo le falema'i tutotonu ma falema'i tumaoti.

O a latou matafaioi faatulafonoina e aofia ai le:

- (i) Fesoasoani le faatautaiga o paina toto Suesuega faasaienisi e pei o le
- (ii) Biochemistry
- (iii) Haematology
- (iv) Histopathology and cytopathology (Anatomic Pathology)
- (v) Microbiology
- (vi) Serology and
- (vii) Puleaina o le falemalii o le falemai tutotonu.

Aufaigaluega:

E toa 46 le aufaigaluega o lo o galulue i lalo o le vaega lenei. E 36 avanoa faigaluega sa faatumuina i le tausaga faale-tupe lenei e aofia ai male Pule Sili Lagolago, ae 3 o le sefulu (10) avanoa e lei mafai ona faatumuina o lo o fa'afaigata ona faasalalau ma faatumuina ona ua silia ma le sefulu (10) tausaga e le'i mafai ona faatumuina. O lea sa tuuina atu ai le talosaga i le matagaluega o le Komisi a le Malo i le toe iloiloina o avanoa e le'i mafai ona faatumuina ina ia sosolo faatasi ma le faatulagaga fou a lenei vaega.

Tala Faatatau o le Tuoe ma lona Faaogaina:

Tala Faatatau o le Tupe ile Tausaga	Tupe Faaogaina	Tupe Totoe	% Tupe Faaalu
SAT8,416,251	SAT8,155,697	SAT260,554	97%

E maea ane le tausaga faale-tupe ua 97% o le tupe sa faamaonia a lenei vaega ua faaogaina. O le 3% (SAT260,554) e le'i mafai ona faaogaina, e mo avanoa faigaluega e iva e lei faatumuina i totonu o le tausaga faale-tupe.

Galuega Ausia:

1. Faafoeina o Su'esu'ega o le Toto mo Gasegase

O le matafaioi patino a le vaega lenei o le faatautaia o suesuega o le toto mo gasegase pe a moomia e le gata i gasegase e agai mai i falemai tutotonu, ae faapea foi falema'i tumaoti. O nei suesuega e aofia ai suesuega fasaenisi nei:

- (i) Biochemistry
- (ii) Haematology
- (iii) Microbiology
- (iv) Serology
- (v) Histology and cytology ma le
- (vi) Fa'afoeina o paina toto

E 212,318 le aofa'iga o su'esu'ega sa faatinoina fa'anatinati i le tausaga faale-tupe lenei. O lea ua sili atu i le numera sa fuafuaina.

Vaega 13: Vaega o Auaunaga Tau Faata

O le vaega lenei e latou te faatinoina le matafaioi taua o le faatautaia lea o fa'ata mo i latou e talosaga mai. O a latou matafaioi faatino e aofia ai le faatinoga o:

- (i) Fa'ata masani
- (ii) Su'esu'ega o le manava
- (iii) Su'esu'ega o le susu
- (iv) Su'esu'ega o patupatu/fula
- (v) Fa'ata faapitoa
- (vi) Faatinoga o fa'ata mo gasegase tigaiga mo le 24 itula mo faalavelave faafuasei i tua atu o itula faigaluega, faaiuga o vaiaso ma aso malolo faapea ai ma
- (vii) Faafoeina ma le puleaina o le faatinoga o auaunaga tau fa'ata uma.

Aufaigaluega

E toa 31 le aufaigaluega galulue i le vaega lenei. E 28 avanoa ua mae'a faatumuina e aofia ai ma le avanoa o le Ofisa Sili Lagolago, ae 3 avanoa e lei mafai ona faatumuina i le tausaga faale-tupe lenei.

Tala Faatatau o le Tupe ma lona Faaogaina

Tala Faatatau ole	Tipe Faaogaina	Tupe Totoe	% o Tpe Faaalu
-------------------	----------------	------------	----------------

Tupe ile Tausaga

SAT3,370,097	SAT3,3048,874	SAT65, 223	98%
--------------	---------------	------------	-----

E ma'ea le tausaga faale-tupe ua mafai ona faaaogaina e le vaega lenei 98% o la latou tala o le tupe. O le 2% e lei mafai ona faaaogaina e mo avanoa faigaluega e lei mafai ona faatumuina.

Galuega Ausia:

1. Faatinoga o Fa'ata Esee (Fa'ata o Gasegase, Fa'ata mo isi Mafuaaga, Fa'ata o Ponaivi)

(i) Fa'ata o Gasegase

O se tasi lenei o matafaioi patino a le Vaega lenei, o le faatautaia lea o fa'ata mo gasegase e mo'omia lea auaunaga e le gata i totonu o falema'i a le malo, ae faapea foi falema'i tumaoti, 100% talosaga o faata ua faamauina.

(ii) Fa'ata Faatino mo isi mafuaaga

O fa'ata nei e ala ona faatinoina e lenei vaega e mo tulaga tau gasegase ae o manaoga o nisi o fuafuaga e pei o talosaga mo pepa nofo mau i Niu Sila ma i latou e galulue i galuega faavaitaimi, 92% o faata faatino mo isi mafuaaga ua ma'ea ona faatinoina ma lipotia.

(iii) Fa'ata o le Ponaivi

O fa'ata mo ponaivi e faatinoina pe a talosaga mai fomai mo gasegase ua aafia ponaivi, ma aafia i le tuma ma isi lava aafiaga ua le tulaga lelei ai le fa'ata'atuiaga o ponaivi o le tino, e 96% o faata o ponaivi ua ma'ea faamauina.

(iv) Faata o isi vaega ole tino

O faata ole manava e talosaga mai e fomai e faatinoina, ina ia mautinoa le mafua'aga ole gasegase. O vaega e masalomia e pei ona iai fatugao, kilia ole alai ma ma'ama'a ole tino e faatino agai iai faata. E tusa ma le 97% o faata e fa'atautaia mo ivi o le tino e mafua ai ona faaletonu le savavali.

2. Faatinoga o Faata Faapitoa (CT scans)

E 100% o talosaga o faata faapitoa ua ma'ea faatinoina ma lipotia. O le pa'u mauualalo I le aofai o nei fa'ata faatinoina e afua mai I le tuai ona auina mai o le masini mo nei fa'ata faapitoa mo le falema'i o le TTM ona ua faaletonu le masini tuai na iai.

3. Faafoeina o Auaunaga mo suesu'ega faapitoa o le manava

Sa maitauina fo'i le faatuputupulaia o gasegase e moomia lenei auaunaga i le tausaga faale-tupe lenei. Ua siitua le numera o I latou na talosagaina lenei auaunaga I lenei tausaga faaletupe, ma e tusa ma le 100% o suesuega faapitoa o le manava ua mafai ona faamauina.

4. Faafoega o Faata o le Susu ma Talosaga Faapitoa

E tusa ai ma le 35% o faata ole susu na talosagaina ma faataunuuina ae lei faaletonu le masini faapitoa e faatino ina ia faata I le masina o Iuni 2024.

5. Talosaga mo Faata ole Susu ma Talosaga Faapitoa

I totonu o le tausaga faale-tupe lenei, o le tele o faata na faatino e faapitoa lea mo gasegase faafuasei. E tusa ma le 100% o faata mo ma'I faafuasei mai le vaega o le CSO ua mafai ona faamauina.

Vaega 14: Auaunaga mo le Soifua Maloloina o Nifo

O le vaega leni e nafa ma le faatautaia o auauanaga mo le togafitiga o nifo i le falemai o le TTM faapea isi auauanaga e faia i nuu i tua.

O a latou matafaioi faatulafonoina e aofia ai le faatinoga o:

- (i) auauanaga lautele mo le togafitiga o nifo
- (ii) auauanaga faalauiloa ma aoaoga mo le saogalemu o nifo i nu'u I tua ma le
- (iii) polokalame mo le soifua maloloina o nifo I totonu o aoga

Aufaigaluega:

E toa 52 le aufaigaluega o lo o galulue i le vaega leni. E 40 avanoa faigaluega ua mae'a faatumuina e aofia ai ma le avanoa mo le Pule Sili Lagolago, ae 12 avanoa faigaluega e lei mafai ona faatumuina I le tausaga faale-tupe leni

Tala Faatatau o le Tupe ma lona Faaogaina:

Tala Faatatau ole Tupe I Tausaga	Tupe Faatatau	Tupe Totoe	% o Tupe Faaalu
SAT4,194,596	SAT3,965,822	SAT228,774	95%

E tusa ma le 95% o le tala faatatau o le tupe faamaonia mo le vaega leni sa mafai ona faaogaina I le tausaga faale-tupe leni. O le 5% (SAT228,774) na totoe, e mo avanoa faigaluega e 12 e lei mafai ona faatumuina I le tausaga leni ua ripotia.

Galuega Ausia:

1. Faatinoga o auauanaga ma Togafitiga o Nifo

O le matafaioi faatulafonoina patino lea a l1. enei vaega, ina ia mautinoa le lelei o le faatinoga o auauanaga ma togafitiga mo nifo o le mamalu lautele. I le tausaga faale-tupe leni, o nisi nei o auauanaga sa mafai ona faatinoina e leni vaega mo le mamalu lautele o le atunuu:

- (i) Se'iina o nifo
- (ii) Nifo Faatumu
- (iii) Taotoga tau nifo
- (iv) Fausiaina o tainifo fa'apipi'i ma le
- (v) Fa'asa'oina o nifo pipi'o ma le aveesea o nifo sisili

(i) Nifo Se'i

O nifo se'i e pei ona faatinoina ile tausaga faale-tupe leni e eseese mafuaaga e ala ai ona faatino, ae o le tele o gasegase e ala ai ona se'i nifo ona ua tele ina pala ma ua aafia i faama'i o nifo, ua tupu ai le tiga o le nifo.

(ii) Fa'atumuga o Nifo

O le auauanaga lea e faatinoina mo nifo ua afaina totonu ma e tataua ona fa'atumuina le vaega o le nifo ua aafia. I le tausaga faale-tupe leni, e tusa ma le 100% gasegase na moomia leni auauanaga sa mafai ona fatinoina. O le toatele o gasegase sa faatinoina iai leni auauanaga e mai aoga sa asia e le vaega leni mo ana polokalame masani mo aoga.

(iii) Taotoga o Nifo

O nei taotoga e aofia ai ma taotoga faatino mo 'augutu, gutu ma maso o foliga

O taotoga nei e mafua ona faatino ina ia:

- (i) Se'iina ai nifo pito i tua
- (ii) Se'iina o nifo ua aafia ile siam
- (iii) Fa'asa'osa'oina o le 'augutu
- (iv) Ta'otoga o le gutu e afua mai ni manu'aga
- (v) Aveesea o se tuma/fula mai le ua, 'augutu poo foliga
- (vi) Faia ta'otoga e faaleleia ai faaletonu o laugutu ma
- (vii) Faaleleia vaega o le ala'ea

(iv) Nifo Faatumu

O lenei auaunaga e faatinoina e faatumu ai nifo ua faaleagaina po o nifo ua toesea, 100% o gasegase na talosagaina lenei auaunaga sa togafitia.

(v) Aveesea o nifo sisili ma le fa'asa'oina o nifo pipi'o

O lenei auaunaga e mo i latou e mo'omia le aveesea o nifo e sisili mai tainifo masani, faapea foi ma le fa'asa'oina o nifo pipi'o. O togafitiga ta'atele mo lenei galuega e aofia ai le aveesea o nifo sisili ma le fa'aogaina o auala masani mo le fa'osa'oina o nifo pipi'o.

2. Asiasiga Fomai Nifo I Aoga

Sa mafai ona fa'atautaia le vaega lenei asiasiga i aoga tulaga lua ma nu'u i tua e mata'ituina ai le soifua maloloina o nifo o fanau aoga e ui ina le ausia le 100%. E 204% o le asiasiga na mafai ona faataunuaina.

Vaega 15: Auaunaga Tau Faletalavai

O le vaega lenei e latou te tuuina atu auaunaga tau le talaina o vai mo le mamalu o le atunu'u e aga'i mai vailaau ma fualaau mo togafitiga. E le gata i lea, ae latou te fa'atautaia foi su'egaoloa mo le faletalavai lava ia, ma faamautinoa o lo o lelei atoatoa le tufatufaina atu o fuala'au i falema'i tutotonu ma vaega uma o auaunaga o le soifua maloloina, faapea le fa'amautinoaina ole sa'o lelei o talavai e tuuina atu ile mamalu o le atunu'u.

Aufaigaluega

E to'a 27 le aufaigaluega o lo o galulue ile Vaega lenei. E 20 avanoa faigaluega ua mae'a faatumuina e aofia ai ma le Pule Sili, ae 7 avanoa e lei mafai ona faatumuina ile tausaga faale-tupe lenei.

Tala Faatatau o le Tupe ma lona Faaogaina:

Tala Faatatau ole Tupe ile Tausaga	Tupe Faaogaina	Tupe Totoe	% o Tupe Faaalu
SAT2,382,989	SAT2,231,685	SAT151,304	94%

O le tala faatatau o le tupe sa fa'amaoniaina mo le vaega lenei i le tausaga faale-tupe lenei e SAT2,382,989. E mae'a ane le tausaga faale-tupe, e 94% o le tala faatatau o le tupe sa mafai ona faaogaina. O le 6% e lei mafai ona faaogaina, e mo avanoa faigaluega e 7 a le vaega lenei sa lei mafai ona faatumuina.

Galuega Ausia:

1. Pulega lelei ma faamaumauina o talavai na tuuina atu I tua I tagata mama'i.

E 151, 959 le numera sa mafai ona faamaumauina o talavai sa faatinoina I le faletalavai o le falema'i.

2. Pulega lelei ma le faamaumauina o talavai a tagata ma'I I totonu ole falema'i.

E tusa ma le 55,534 le aofai atoa o talavai na faamaumauina mo le tausaga faaletupe 2023/2024.

3. Asiasiga faaletalavai I Falema'I I tua (Upolu/Savaii)

O lenei vaega sa mafai ona faatautaia ni asiasiga I totonu o Upolu ma Savaii. E tusa ma le 36 asiasiga ile Tausaga Faaletupe ma na mafaia ona faatunuuina uma nei asiasiga e 36 I le Tausaga Faaletupe 2023/2024.

4. Asiasiga Faafuasei I totonu ole falemai ma Oka mo togafitiga

E 159 asiasiga na fa'atautaia e fa'amautu ai aso e uma ai le aoga o fualaau mo le tausaga 2023-2024. E 587 oka o fualaau na auina atu ile falemai tutotonu I Motootua mo Togafitiga.

5. Pulea Lelei o Talavai Faatalosaga mai

E 1,791 talavai na faatinoina I le va o fomai ma tagata faigaluega ole faletalavai.

6. Pulea lelei o Vailaau

E 23,456 vailaau ma fualaau sa mafai ona tuuina atu e le faletalavai I vaega eseese ole TTMH, Falemai Faaitumalo ma Faletalavai a le MTII mo le Tausaga Faaletupe FY2023/2024.

Vaega 16: Auaunaga ile Falema'i Malietoa Tanumafili II

O le falema'i o le Malietoa Tanumafili II, e latou te tu'uina atu auaunaga aoaotetele mo le faafoeina o matafaioi faafomai I le falemai tutotonu lenei I Savaii, ma mata'itu le faatinoga o nei auaunaga. E tali tutusa lava le faatinoga o auaunaga ile falemai lenei ma le falemai o le TTM i Upolu. O le sini ma le fa'amoemoega o a latou galuega fa'atino, o le u'una'ia, faamausaliina ma faatumauiina le faatinoga o auaunaga o le soifua maloloina I ona tulaga aupito silin ona lelei mo le soifua maloloina o le lautele o le atunu'u. o auaunaga faapitoa o lo o faatinoina e aofia ai Tausiga Aoaotetele o le Soifua Maloloina, Su'esu'ega o le loto ma Auaunaga mo Nifo.

Aufaigaluega

E tusa ma le 208 le aofai o le aufaigaluega o lo o galulue i le falema'i lenei. E 130 avanoa faigaluega ua ma'ea faatutumuina aofia ai ma le avanoa

Tala Faatatau o le Tupe ma lona Fa'aaogaina:

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT9,941,583	SAT9,596,862	SAT344,720	97%

O le tala fa'atatau o le tupe mo le vaega lenei sa fa'amaoniaina mo le tausaga faale-tupe lenei e SAT 9,941,583. E ma'ea ane le tausaga faale-tupe, ua silia i le 97% tupe faaalu a le vaega lenei.

Galuega Ausia:

1. Faafoega o Gasegase mo le Falemai Malietoa Tanumafili II

E 4 fomai o loo fa'agaioiina le vaaia o gasegase mo le falemai I Tuasivi (1 fomai sinia, 1 fomai resitala ma le 2 fomai o loo fa'amasani). O nei fomai e tai tolu masina ma sui a latou falemai e

agai iai. E ui lava ile toa gaogao o fomai ae o loo lelei lava le faatinoina o le vaaia o gasegase I le falemai o Tuasivi.

2. Gasegase mai Savaii sa tuuina atu ile Falemai o Tupua Tamasese Meaole i Upolu mo togafitiga (TTM)

O le siitia ai o mea faigaluega faapitoa mo le vave maua o mafua'aga o gasegase, o le faatuputupulaia o le aoga o aoaoga ma polokalame mo Togafitiga, aemaise o le galuega faatino I vaiaso taitasi e fomai faapitoa, ua avea lea ma ala e vave ona faamaonia ai se mafua'aga o le gasegase ma maua ai lona Togafitiga. O lenei vaega taua ua tele lona sao e tuu itiitia ai le auina atu o gasegase ile falemai tele I Motootua mo Togafitiga.

3. Faafoega o Auaunaga mo le Soifua Maloloina o Nifo ile Falemai o Malietoa Tanumafili II

Sa lelei ona faatinoina le auaunaga ale falemai nifo mo lenei tausaga faaletupe. O gasegase uma sa asia le auaunaga mo se fesoasoani sa mafai ona siaki ma togafitia e tusa ma o latou gasegase.

4. Faafoega o Auaunaga mo Pepe Fananau

O loo faamauina le lelei ona faatino o le faafanauina o pepe ile falemai Tuasivi. E tusa ma le 699 pepe sa fananau mai ile tausaga ua mavae. E 351 tamaitai ae 348 o Alii. O pepe fou nei ua uma ona faamauina ma resitala.

5. Faafoega o Tagata Maliliu

E tusa ma le 203 I latou ua faamauina le maliliu i Tuasivi. E 106 tamaitai ae 97 Alii. Ua uma ona faamauina ma resitala tagata maliliu nei.

Vaega 17: Auaunaga Tuufaatasi Tau Tausisoifua

E Vaega o Auaunaga Tuufaatasi tau Tausisoifua, e nafa male tuuina atu o auaunaga tau tausisoifua o lo o faatulafonoina i lalo o le Tulafono o Tausisoifua ma Fa'a'tosga, fa'apea ta'iala ma alāfua o le fa'atinoga o auaunaga a lenei tomai faapitoa o le soifua maloloina. O matafaioi patino a lenei vaega e ese ma le taua ile fa'agasologa o le soifua o le tagata e amata mai ile taimi e fanau mai ai. E aofia ai foi i auaunaga a lenei vaega auaunaga faalauiloa ma puipuiga o fa'ama'i, faapea le tausiga o le sofua oi latou ua gasegase ma tigaina, oi latou ua iai a'afiaga tumau o le tino, faapea ma i latou ua fa'atalitali oti. O tausisoifua, oi latou ia e mua'i to'ai atu iai gasegase, pe a sulufa'i atu i falema'i mo togafitiga. E le gata i lea, a'o i latou foi e taulamua ile faatinoga o tausiga aoatetele o le soifua maloloina e aofia ai auaunaga faalauiloa, o puipuiga, o togafitiga ma le toe fa'afoisia o le malosi.

Aufaigaluega

E to'a 458 le aufaigaluega galulue i lalo o le vaega lenei e aofia ai ma le Ofisa Sili Lagolago. E 324 avanoa faigaluega sa mafai ona faatumuina ile tausaga faale-tupe lenei, ae 134 avanoa faigaluega e lei mafai ona faatumuina.

Tala Faatatau o le Tupe ma lona Fa'aaogaina

Tala Faatatau o le Tupe ile Tausaga	Tupe Faaogaina	Tupe Totoe	% o Tupe Fa'aalu
SAT20,113,550	SAT19,907,265	SAT295,354	99%

O le tala o le tupe faamaoniaina mo le vaega lenei i le tausaga faale-tupe lenei e SAT20,113,550. E mae'a ane le tausaga faale-tupe ua mafai ona faaaogaina le 99% o lenei vaegatupe. O le 1% e lei mafai ona faaaogaina, e mo avanoa faigaluega e 134 sa le i mafai ona faatumuina.

Galuega Ausia

1. Faatupeina o le Polokalame mo Tausisoifua ma Faatosaga ile Iunivesite Aoa o Samoa.

O le 100 pasene o tamaiti aoga faa tausisoifua ma faatosaga sa fa'atupeina sa mafai ona iu manuia aoaoga ma faauuina.

2. Alafua ma Taiala mo Tausisoifua ma Faatosaga

In this financial year, the nursing has able to complete review of their Nursing Strategic Direction Plan 2024-2028 standard. It has been endorsed and its now in the implementation status. Sa faatino le iloiloga ole Fuafuaga Alualu Mamao 2024 – 2028 ale auaunaga tausisoifua I lenei tausaga faaletupe. Ua uma ona faamaonia ma ua aloaia nei lona faaogaina ma le mulimulitaia e le auaunaga faa-tausisoifua.

3. Tusipasi mo Tausisoifua ma Faatosaga

O le Naunautaiga a le auaunaga e pei ona iai a latou alafua ua faataoto, o le mautinoa lea o le siitia maualuga o tomaiti ma agavaa aemaise ole iloa faatausisoifua e faatino ai le galuega. O tausisoifua ma faatosaga o loo resitalaina ma faamauina ua uma ona faafou o latou tusipasi mo lenei tausaga faaletupe.

4. Faafoega o Aoaoga Fa'amasani mo Tausisoifua Fa'au'u mai Iunivesite

O le faamautinoaina o le lelei ole auaunaga e tuuina atu ma le lava tapena i manaoga o tagata lautele, o le ala lea o loo fa'aaau ai pea ona faatino le polokalame faaletausaga e fa'afaigalega ai tamaiti tausisoifua e fa'au'u mai le Iunivesite i tausaga taitasi. E tusa ma le 100% o tausisoifua e maea a latou aoga e maua a latou tusipasi ma resitala mo a latou faatinoga. O le polokalame lenei e mo le fa'asaununiga mo le auaunaga aemaise ole iloilo ina poo mulimulitai ma usitaia i vaega manaomia mo le polokalame ma alafua ole Tausisoifua. O le 100 pasene o tausisoifua sa faaiuina a latou aoaoga fa'amasani ma faauu, ae tusa ma le 80% o faatosaga sa faaiuina ma le manuia ma ua faauuina foi o latou tusipasi.

5. Asiasiga I totonu o le Falemai

E oo atu ile 100 pasene asiasiga mo le auaunaga faatausisoifua sa ripotia mo le falemai TTM, Falemai Faaitumalo Upolu, Falemai Faaitumalo Savaii ma Falemai Tumaoti ua maea faatino.

6. Aoaoga Faapitoa mo Tausisoifua ma Faatosaga

E 3 aoaoga sa faatino e tusa ma le ripoti ma susesuega fa'alotoifale faatausisoifua sa faatino. E 1 le aoaoga sa faia mo le teu lelei o otaota lafoai faasoifua maloloina, e 2 sa faia mo le mama o vaega e faia ai Togafitiga, e 3 sa faatino mo le saogalemu ole gasegase ma o loo fa'aaauuina pea. E 3 nisi aoaoga faapitoa sa faatino mo le aoaoina ole Alafua o Tomaiti Faapitoa faa-tausisoifua.

7. Faafoega o Aoaoga mo le Atinae o Tomaiti Faapitoa Faatausisoifua.

Sa fa'atautaia aoaoga mo tausisoifua ma faatosaga I soo se vaega e siitia ai lo latou tomaiti. O i latou na auai o le aufaigaluega mai auaunaga eseese ole falemai.

Sa faatino le asiasiga a le fomaiti mo le ma'i suka ile Aso 19-23 o Setema 2022, mo le aufaigaluega. O le faamoemoe ia mafai ona puipuia ma iloa ele aufaigaluega ona vave foia faafitauli e ono tulai mai ai manuga i vae. O lenei aoaoga sa faia faapaaga ma le Ofisa o Tina ma Tamaitai, Atinae o Nu'u ma Aga Fesootai, I lalo o la latou polokalame mo e iai manaoga tumau ole mafaufau.

POUTŪ 3: AUAUNAGA MO LE SOIFUA MALOLOINA LAUTELE

E tolu vaega o lo o i lalo o le Poutū 3 o Auaunaga a le Matagaluega o le Soifua Maloloina o le Soifua Maloloina Lautele. O nei Vaega o lo o fa'ailoaina atu ile Pusa 17 o loo i lalo.

Pusa 17: Vaega o lo o i lalo o le Poutū 3 o Auaunaga a le Matagaluega o le Soifua Maloloina

VAEGA	FAAMATALAGA
Vaega 18	Puipuiga o le Soifua Maloloina ma le Fa'amalosia o Tulafono o le Soifua Maloloina
Vaega 19	Fa'afoga o Polokalame o le Soifua Maloloina, Siitia o le Soifua Manuia ma Aoaoga Fa'alauiloa
Vaega 20	Auaunaga Faasoifua Maloloina i Falema'i Fa'aitumalo

Vaega 18: Auaunaga Tau Puipuiga ma le Faamalosia o Tulafono o le Soifua Maloloina

O le vaega leni e latou te faatinoina auaunaga tau mata'itu o le faatinoga o tulafono ma alāfua o le soifua maloloina, ma faatino o asiasiga tau le soifua maloloina lautele ina mautinoa o lo o malu puipuia le soifua maloloina o le atunu'u, siitia le tulaga o le soifua maloloina ma faaleleia le siosiomaga ina ia soifua maloloina mo le soifua laulelei o le atunu'u. E le gata i lea, ae tuuina atu foi ta'ita'iga tau fuafuaga alualu mamao ina ia faamalosia ai le tausisia o tulafono uma o le Soifua Maloloina e siitia ai le tulaga o le soifua maloloina o le tagata Samoa uma. O le Tulafono o le Matagaluega o le Soifua Maloloina (teuteuina ile 2019), Tulafono o le Soifua Maloloina 1959, Tulafono o Taumafa 2015, Tulafono o Maliu 1961, Tulafono o le Saogalemu i Galuega 2002, Tulafono o le Mata'ituina o Uafu ma Malaeva'alele 2005 ma le Tulafono o le Tapa'a 2008, o tulafono ia o lo o lima ta'ita'iina ai le faatinoga o matafaioi faatulafonoina a le vaega leni.

O a latou matafaioi faatulafonoina e aofia ai le:

- (i) Faatonutonu faataulafonoina o le saogalemu o taumafa ma le pulea o le taumafa tapa'a
- (ii) Puleaina o otaota lafoa'i o le soifua maloloina, Saogalemu ma le Maloloina o Falefaigaluega ma le Faatonutonu Faatulafono o Auaunaga tau Maliu faatasi ai ma le
- (iii) Mata'ituina faatulafono o auaunaga mo le tumamā.

Aufaigaluega

E to'a 10 le aufaigaluega galulue ile vaega leni e aofia ai ma le Ofisa Sili Lagolago. E tasi le avanoa mo le Ofisa o Vaega e Faafaeina Otaota lafoai na avanoa ma o loo faamoemoe e uma atu leni tausaga faaletupe ua iai lona sui.

Tala Faatatau o le Tupe ma lona Fa'aaogaina:

Tupe Faatatau	Tupe Fa'aaoga	Tupe Totoe	% Tupe Fa'aalu
SAT2,202,475	SAT1,982,122	SAT220,354	100%

E oo atu ile SAT2,202,475,00 le tupe na fuafuaina mo le fa'agaioiga o galuega faatino a lenei vaega. E maea ane le tausaga faaletupe ua maea foi na fa'aaoga tupe mo a latou galuega.

Galuega Ausia:

1. Auaunaga mo le Puleaina o Tapaa ma le Saogalemu o Taumafa

(i) Mata'ituina o Fale Gaosi Meaai

O le asiasia ai o fale gaosi meaai i aso taitasi o se fuafuaga faataatia o loo faatino pea, ina ia mautinoa le mulimulitaia o Alafua mo taumafa saogalemu ma Tulafono mo Meaai 2015. E tai tolu masina ma faatino asiasiga mo fale gaosi meaai ma pisinisi faleoloa faapea tagata taitoatasi. E 556 fale gaosi meaai ma faleaiga na asiasia ma faamauina mai ai e oo atu ile 92% o le mulimulitaia ma usitaia e nei fale o alafua mo taumafa saogalemu.

(ii) Mata'ituina o le Faatinoga o le Tulafono o le Tapaa 2008

O le tasi lea matafaioi ua faatulafonoina nei a le Vaega e Faatonutonu le Taumafa Tapaa ma le Saogalemu o Taumafa. O le Faatonutonuina lea ma faia asiasiga mo fale gaosi tapaa ina ia mautinoa le saogalemu ma mulimulitaia tulafono. E tasi le fale gaosi tapaa sa mafai ona asiasia ma tuuina aloaia iai le laisene i totonu o lenei tausaga faaletupe.

(iii) Tuuina atu o Laisene a le Soifua Maloloina mo Fale Gaosi Tapaa

O le tuuina atu o laisene a le soifua maloloina mo le faatauina o le tapa'a o loo faatulafonoina i lalo o le Tulafono o le Tapa'a 2008.

O le fua faatatau o falemai faaitumalo ma nofoaga e lafoai ai otaota faa soifua maloloina e tusa lea ma le 89 pasene. E 573 nofoaga e faatau ai le tapaa sa asiasia ma faamauina ai le oo atu ile 97 pasene lo latou usitaia o le tulafono ole tapaa.

2. Auaunaga mo le Fa'afeina o Otaota Lafoai ole Soifua Maloloina

(i) Faatinoina o Tulafono mo Malii ma Faamaoniga o Mataupu ripotia

E 89pasene le fua faatatau o le usitaia ma le lelei tausia e falemai faaitumalo ma falemai autu i Motootua ole tulafono mo Otaota lafoai. O mataupu uma e 181 na faaoo atu ile matagaluega sa faatino iai suesuega ma faamauina ai le 98pasene o le tausia lelei o vaega nei e aofia ai le auina mai o tino malilili mai fafo.

(ii) Tausia lelei o Falemai ina ia o gatasi ma le Faiga Faavae o Otaota Lafoai Soifua Maloloina

Sa faatino aoaoga mo le aufaigaluega e faatatau ile lafoaiina o otaota faasoifua maloloina, puipuiga mai siama o gasegase ina ia mautinoa ai, o loo o gatasi faiga faavae ma galuega faatino a vaega taitasi.

Sa asiasia falemai uma I Upolu ma Savaii. O falemai nei na iloga lona tulaga ile tausiga o alafua ma faiga faavae mo otaota lafoai. O le Falemai Faaitumalo o Poutasi sa maoae lona lelei mai falemai uma i Upolu ae ole falemai Safotu sa manumalo mai ile motu i Savaii.

Pasene o le Mulimulitaia o le Faiga Faavae mo le Mataituina o Otaota Lafoai ale Soifua Maloloina 2020-2025.

Falemai Fa'aitumalo Upolu	Pasene ole Mulimulitaia o Faiga Faavae
Falemai Poutasi	90%
Falemai Lalomanu	86%
Falemai Lufilufi	83%
Falemai Saanapu	80%
Falemai Leulumoega	78.5%
Falemai Faleolo	Leai se gasegase
Falemai Fa'aitumalo Savaii	Pasene ole Mulimulitaia o Faiga Faavae

Falemai Safotu	91.5%
Falemai Sataua	90%
Falemai Foailalo	86.5%
Falemai Satupaitea	85%

Vaega 19: Fa’afoga o Polokalame o le Soifua Maloloina, Siitia o le Soifua Manuia ma Aoaoga Faalauiloa.

O le matafaioi patino a le vaega leni o le faatinoga o auunaga faalauiloa, o faasilasilaga faale-soifua maloloina lautele ma le faalauiloaina o puipuiga faale soifua maloloina faapea polokalame mo le soifua maloloina a le manuia. E latou te faafoeina foi feso’ota’iga 24 itula ile 7 aso e logologo uialii ai le mamalu o le atunu’u i tulaga e iai le soifua maloloina mai lea taimi i lea taimi.

O matafaioi faatulafonoina a leni vaega e aofia ai:

- (i) Mata’ituina o taumafa tatau
- (ii) Faatinoga o polokalame o le soifua maloloina
- (iii) Mata’ituina o le Soifua Maloloina lelei o Fanau
- (iv) Faafoeina o Feso’ota’iga i taimi o faalavelave faasoifua maloloina lautele
- (v) Faatinoga o auunaga mo le soifua maloloina o tupulaga talavou.

Aufaigaluega

E 26 le aufaigaluega galulue a le vaega leni e aofia ai ma le Ofisa Sili Lagolago, e 4 avanoa o loo avanoa pea e oo mai le taimi nei.

Tala Faatatau o le Tupe ma lona Fa’aaogaina

Tala Faatatau ole Tupe Faaogaina Tupe ile Tausaga	Tupe Totoe	% Tupe Fa’aalu
SAT2,502,523	SAT2,161,974	86%

E tusa ma le SAT2,502,523 le tupe fuafuaina mo leni auunaga. E 86% sa mafai ona fa’aaoga, e 14% e lei maea fa’aaoga ona o avanoa faigaluega e lei mafai ona faatumu i leni tausaga faaletupe.

Galuega Ausia

1. Iloiloina o le Taiala mo Fesootaiga ma Galuega Faapaaga ma Faalapotopotoga

O le Komiti galulue mo le faiga faavae o Fesootaiga e aofia ai le aufaigaluega ma vaega ese’ese ole Matagaleuga. E iai UNICEF, WHO and ADB – New Vaccine Project (IPM), e galulue fesoasoani ina ia mautinoa le lelei o fa’amatalaga e tuuina atu I luga o le tafailagi aemaise o ala fa’asalalau ina ia silafia e tagata uma le feau o loo momoli mai. O sui Komiti foi nei e latou te galulue foi ile Polokalame mo le Tuufaatasia o Matafaioi Faasoifua Maloloina ile mamalu lautele.

Latou te galulue ile mataituina ole faatinoga ma le tuufaatasiga ole Taiala mo Fesootaiga ma Galuega Faapaaga ma Faalapotopotoga. Sa faatino le iloiloga ile aso 16-17 o Aukuso 2024, faatasi ma le lagolagosua mai le Faalapotopotoga o Soifua Maloloina ile Lalolagi ma isi vaega eseese e pei ona taua. O le fa’amoemoega ia mafai ona tali atu I vaega faamuamua faasoifua maloloina, fesootaiga ma le soifua maloloina, ma faailoa laasaga e siitia ai fesootaiga ile atunuu aemaise lava i fa’amatalaga mo tui puipui. E fesoasoani tele fesootaiga nei i iloiloga sa faatino mo Tulafono Faatonutonu Faavaomalo sa faia ia Novema 2023. O le fesootaiga maumaututu foi lea o loo unaiia malosia le vaega o tapenaga ma le tali atu a le matagaluega i fa’alavelave tutupu faafuasei.

O le fa'amalosia ole sootaga o le matagaluega ma isi matagaluega, aemaise o paaga faavaomalo e tali atu ai I faafitauli faasoifua maloloina ma faamai e aliae mai., o le isi lea o vaega taua tele ile faiga faavae o Fesootaiga.


O le faatinoga ma faasalalauga I luga o upega tafailagi aemaise ole iloa lautele o tagata, o le isi lea galuega ale vaega o fesootaiga. E logologo atili I ripoti faamauina mai le Komiti o Gasegase Le Pipisi (NCDs) faapea foi ma Gasegase Pipisi. (CDCC)

2. Polokalame mo Tui Puipui

E tusa ai ma ripoti mai le faatinoga o Tui Puipui, e 74pasene ua maea faatino mo tui puipui masani.

✓ Faamaumauga o e fananau mai 2019 -2024


Ua faamauina le pau maualalo o pepe fananau mai ile 3 tausaga ua mavae. E lei mafai ona ausia e Samoa ni pepe fananau mai e 5,000 ile tausaga 2024. O mafua'aga nei e aofia ai le Aiga Fuafuaina faatasi ai ma le malaga o tagata i galuega faavaitaimi.




✓ Nofoaga ua faamauina ai le laititi o Tui Puipui ua faatino

O nuu e aofia ai Malie, Afega, Tuanai ma Leauvaa, ua ripotia agai le Itumalo Tu Taulaga, ona o le tetele o faatau aofai o tagata. E faalua ona faatino ile tausaga tuiga I Aso Toonai mo nuu e aofia ai Faleasiu, Fasitoo Uta, Satapuata, Manono ma Apolima-Tai. O nei faiga na amatalia ile 2024, ona ole toa gaogao ole afaigaluega ile Falemai Leulumoega.

✓ Nofoaga ua Faamauina ai le Tui Puipui mo Kanesa o Tamaitai



✓ Nofoaga ua faamauina ai le Tui Puipui mo Taifo



3. Faamanatuina o Aso Faapitoa ole Soifua Maloloina ile Lalolagi

O le faatinoina ma le faatautaia o aso faapitoa o le soifua maloloina i le lalolagi o lo'o mata'ituina i le kalena fa'aletausaga a le Matagaluega ma fa'amanatuina e ala i fa'asalalauga ma polokalame faalauiloa i luga o upega tafa'ilagi. E tele polokalame o le Soifua maloloina sa fa'atautaia i lenei tausaga fa'aletupe e aofia ai:

- ✓ Vaiaso e Faamanatu ai le Faasusuina o Pepe i Suasusu o Tina
- ✓ Vaiaso e Faamanatu ai le Faaogaina Tatau o Fualaau ma Vailaau
- ✓ Aso Faapito mo le Leai atu i le Ulaula Tapaa
- ✓ Aso Faapitoa mo le Fa'amai Afi i le lalolagi
- ✓ Aso Faapitoa mo le Gasegase o le Kanesa i le lalolagi
- ✓ Vaiaso Faapitoa mo Tupi Puipui i le lalolagi
- ✓ Aso Faapitoa mo le Saogalemu o Meataumafa
- ✓ Aso Faapitoa mo le Soifua Maloloina i le Lalolagi
- ✓ Aso Faapitoa mo le Faamanatuina o le Fatafata vaivai ile lalolagi
- ✓ Aso faapitoa mo Lepela i le lalolagi

4. Polokalame Faasoifua Maloloina e Faatino i Totonu o Faalapotopotoga ma Nuu

Ole manulauti autu o polokalame ole soifua maloloina na faatautaia ina ia aofia ai tagata uma ma e leai se tasi e le auai pe a oo i polokalame o le soifua maloloina. O le Vaega o loo gafa ma lea auunaga ua iai le tomai faapitoa e faatino faalauiloaina o feau tau soifua maloloina, o polokalame faalauiloaina ina ia siitia atili ai le malamalama ma ia pulea e tagata o latou lava soifua maloloina. O polokalame nei sa faatinoina i lenei tausaga faaletupe.

- ✓ Polokaloame o le ICHAP mo nuu i lalo o le Polokalame a le PEN Faa Samoa.
- ✓ Tuuina atu o tamaiti e manaomia ona toe siaki i le maea ai o siaki i totonu o Aoga (referrals)
- ✓ Faationo Faalauiloa ma Aoaoga i lalo o le polokalame o le PEN Faasamoa
- ✓ Polokalame o le faatinoina Tui Puipui Masani, HPV ma le tui ole Taifo
- ✓ Polokalame o Tui Puipui mo i latou e lei faatinoina tui o le MMR ma le PCV
- ✓ Polokalame fa'alauiloa mo le soifua maloloina i a'oga mo tamaiti a'oga ua fa'ailoaina le tino puta ma le mamafa tele.

- ✓ A'oa'oga mo Vaega o Tomai Faapitoa o le Soifua Maloloina ma sui o nuu e faatatau i polokalame faalauiloa ole soifua maloloina ma Taumafa Tatau. Health Promotion & Nutrition
- ✓ Mata'ituina o Polokalame Faalauiloa i Aoga
- ✓ Mata'ituina o Alafua o le Taumafa Tatau i Aoga

O le faatinoina o polokalame nei e aofia ai ma le Pen Faasamoa ua avea ma fesoasoani tele ile fa'amalosia o tagata lautele i nuu e avea ma taitai e mafai ona faia siaki faasoifua maloloina mo faamai e le pipisi. Ua siitia ai le tulaga ole auina mai ile falemai, aemaise lava iai latou e le mafai ona Faaleo o latou faafitauli i faamai. E fesoasoani foi e faailoa I latou ua ile tulaga lamatia lo latou soifua maloloina.

Ua Tuufaatasia foi le Pen FaaSamoa ma polokalame Faasoifua Maloloina i Aoga, ma amatalia ai siaki mo le tino puta. E fa'amalosia ai foi le taumafa I meaai soifua maloloina ma le faamalositino aemaise o galuega tulituliloa ale vaega o faalauiloa. O le Polokalame ua na fa'amalosia le galulue soosoo tauau ale Matagaluega o Soifua Maloloina ma le Matagaluega o Aoga. O le isi vaaiga taua tele ile faaogaina o metotia fa'aonaponei, ua mafai ona mataitu ma aumaia fa'amatalaga mo polokalame faalauiloa ale Soifua Maloloina mo Aoga. O fa'amaumauga o loo taua sa maua mai le Tupaia Meditrak, o se auupega taua o loo lagolagosua ile faatinoga o faaiuga fai aemaise o faiga faavae ma le soifua maloloina.

Mataituina o Aoga Tulagalua i Vaega Tulituliloa e 4

Numera o vaega tulituliloa	Aofai (N=167)	Aoga ale Lotu (N=20)	Aoga Tumaoti (N=6)	Aoga ale Malo (N=141)
4*	38 (22. 8%)	2 (10. 0%)	3 (50. 0%)	33 (23. 4%)
3	56 (33. 5%)	10 (50. 0%)	3 (50. 0%)	43 (30. 5%)
2	30 (18. 0%)	6 (30. 0%)	0	24 (17. 0%)
1	20 (12. 0%)	1 (5. 0%)	0	19 (13. 5%)
0	23 (13. 8%)	1 (5. 0%)	0	1 (15. 6%)

Vaega e 4: Puleaina o tapaa ma le siosiomaga saogalemu, lagolago ale mamalu lautele, faamalositino ma polokalame mo taumafa soifua maloloina.

O se vaega o polokalame faasoifua maloloina sa faatino i nuu tu taulaga, sa asiasia ai le iloa lautele e ala i alaleo fa'asalalau. Na iloa ai foi ituaiga ala o fa'asalalau e maua ai e tagata lautele fa'amatalaga ma feau tusitusia.

#	Faalauiloa ile Upega Tafailagi
1	Tagata o loo matamata TV e 85% e 32% o I latou e facebook, e 16% o le leitio ma le 8% ole nusipepa.
2	O le TV1 o loo numera tasi lona faaogaina, e tusa ma le 86% o i latou e fiafia iai, sosoo mai ai le MYFM ile 21% ma isi ala fa'asalalau ile 20%.

*o nei fa'amaumauga sa aoina iai latou e 218 sa aofia ile polokalme .

5. Faafoega o Aoaoga mo Tinā To (BFHI)

O le isi auaunaga autu a le falema'i autu ma falema'i fa'aitumalo o le fa'atinoina o fuafuaga e lagolago ai auaunaga o le soifua maloloina lautele. I totonu o lenei Tausaga Faaletupe, e tusa ma le 6 polokalame sa faatautaia e aofia ai:

- ✓ A'oa'oga mo le aufaigaluega i Sava'ii
- ✓ Aoaoga mo le aufaigaluega i Upolu ma Savaii e faatatau i le tino vale o fanau (Severe Acute Malnutrition)

- ✓ Aoaoga mo Faalapotopotoga tau Taaloga i Polokalame o le Soifua Maloloina
- ✓ A'aoa'oga mo matua ua resitala i lalo ole Polokalame o le Siitia o le Soifua Maloloina (Health Promotion Program)
- ✓ 10 A'oa'oga o polokalame o le Soifua Maloloina na faatautaia mo le PEN Faasamoa i nuu e aofia ai ma MDTs
- ✓ A'oa'oga faatatau i Feso'otaiga ma le faaituau i Tamaitai poo Alii sa faatino mo tausi soifua i le taimi e faatino ai tui puui o le HPV ma isi tui puipui fou.

E 11 sitepu sa mafai ona ausia mai sitepu e 13, e tusa lea ma le 84% na ausia e le falemai i Tuasivi. E 10 sitepu, e tusa ma le 76 pasene na ausia mo le falemai I Motootua ile 2023. O lona fua faatatau e 80%. O le mataituina o sitepu e 13 mo Tina To ma aoaoga mo falemai sa faatino e le vaega e faapitoa mo le soifua maloloina o Tina ma polokalame faasoifua maloloina,

6. Faafoega o Auaunaga mo le Soifua Maloloina o Soifuaga Fanau

O le vaega e gafa ma le faafoega o soifua maloloina o soifuaga fanau e galulue vaavaalua ma vaega tumaoti ma paaga e aofia ai le UNFPA. O vaega nei e faatinoina asiasiga ma fa'atautaia polokalame i falemai i Upolu ma Savaii.

O asiasiga mo le mata'ituina o auaunaga i falemai uma na lipotia ai le tulaga o le fa'aogaina o auaunaga o le fuafuaina o aiga, siakiina o tina to, togafitiga, fa'apea ma Auaunaga Fa'alesoifua maloloina mo le Tupulaga Talavou. O le ripotiina o le fa'aaogaina o auaunaga/metotia mo le fuafuaina o aiga, e fua lava ile umi e aoga ai le Fualaau/tui. E pei ona iai vaega ua taua:

- Fualaau ole Microlut (3 masina)
- Fualaau ole Microgynon (3 masina)
- Tui ole Depo (3 masina)
- Tuiina ole lima (5 tausaga Jadelle insertion)

Ua tatala aloaia nei le vaega e mataitu ai le faatinoga o galuega ina ia unaia le lelei ole auaunaga. Ua faamauina foi le lelei o faamamauga aoina mai e faaaogaina ai le M-Supply mo aiga fuafuaina. Ua Tuufaatasia foi le Taiala mo le Faatinoga o le Auaunaga mo Tupulaga 2023, e lima taitaiina ai galuega e aofia ai ma Paaga Tumaoti ma faalapotopotoga e lagolagoina e iai manaoga tumau ole tino.

Falemai mo Faamai Pipisi

O mataupu sa faamauina mai mo faamai pipisi sa faia iai suesuega ma auina atu ile falemai. O le falemai mo Faamai Pipisi sa fa'atupeina e le UNDP Global Fund, o loo tele lona sao ile unaia ole auaunaga mo puipuiga, faamauina o mafua'aga o gasegase ma Togafitiga o faamai pipisi.

O faamaumauga o suesuega sa faatino ma faamauina e fa'aaoga ai auala nei:

1. HIV – INSTI, HIV Determine, Uni-Gold, HIV/Syph SD Duo rapid tests, Gene Xpert (CD4 and viral load)
2. Sefili – Anti-TP, RPR (VRDL occasionally)
3. Faamai ole Ate A – HAV igm and igg
4. Faamai ole Ate B – HbAgs, HBsAB
5. Faamai ole Ate C – HCV igm
6. Faamai Pipisi e mafua mai Feusuaiga – GeneXpert
7. Fatafata Vaivai – Masini mo Suesuega (GeneXpert) (no cultures for TB)

Ua faalautele foi siaki i Aoga Maualuluga e aofia ai Iunivesite, fale faigaluega ina ia mafai ona vave maua faamai e pei ole Faamai Pipisi i feusuaiga, fatafata vaivai ma le lepela. O loo faaaauu foi siaki nei ile fale puipui mo pagota.

Vaega 20: Auaunaga i Falema'i Fa'aitumalo ma Nu'u i Tua

O lenei vaega e latou te faatinoina auaunaga mo le faaleleia o auaunaga o le soifua maloloina o lo o faatinoina i totonu o falema'i fa'aitumalo faapea totonu o nu'u ma afio'aga. O galuega o lo o faatinoina i falema'i i nu'u i tua, ua tali tutusa ma auaunaga o lo o faatinoina i totonu o falema'i tutotonu, sei vagana ai auauanaga faapitoa e le mafai ona faatinoina.

Aufaigaluega

E 252 le aufaigaluega o loo galulue i lalo ole Vaega lenei e aofia ai le Ofisa Sili Lagolago.

Tala Faatatau o le Tupe ma lona Faaogaina

Tupe i le Tausaga	Tupe Faaogaina	Tupe Totoe	% Tupe Faaalu
SAT13,945,045	SAT13,808,060	SAT136,985	99%

E SAT13,945,045 le tupe na fuafuaina mo le auaunaga. E 99% sa fa'aaoga ae 1% e lei mafai ona fa'aaoga ona o avanoa e lei fa'afaigaluegaina.

Galuega Ausia:

1. Faafoeina o Fa'atalanoaga a Falemai Fa'aitumalo

O Falemai Fa'aitumalo uma o lo'o tu'uina atu auaunaga 24 itula i totonu o le fitu aso o le vaiaso. O lo'o galulue foma'i 12 itula i le aso ma toe vala'au mo so'o se telefoni fa'afuase'i mai falema'i. O lo'o faigaluega tausisoifua ile sifi 12 itula.

2. Mata'ituina o Gasegase Taofia ma Gasegase Fa'atea

O Upolu e aofia ai Falema'i Fa'aitumalo e 3 ma Falema'i laiti e 3 mo Auaunaga Lautele. O falema'i fa'aitumalo o lo'o fa'agaioia mo le 24 itula ma o lo'o mata'ituina lelei ma maua uma togafitiga a'o iai i le auaunaga fa'alesoifua maloloina. Ole aofa'i o gasegase ua te'a e fa'atusatusa ile aofa'i o tagata mama'i ua fa'aalia ai le lelei ole faatinoga o togafitiga e faatinoina e Foma'i ma Tausisoifua. O lona uiga e manuia le tausiga atoa. O le auaunaga a le Falema'i Laitiiti i Lufilufi o lo'o tu'uina atu auaunaga mo gasegase lautele i le 24 itula ma fautuaina tagata gasegase i totonu ole 5 itula e mata'ituina ai ile e aga'i ile falema'i tutotonu o le TTM pe a mana'omia. Ona o le mana'omia o le tautua ma le lē maua o moega i totonu o le matou falema'i autu, o lo'o tumau pea nei gasegase i le falema'i laiti mo togafitiga i totonu o le 24 itula ma o lo'o fa'amauina i totonu o faamaumauga a le falema'i.

3. Fa'afoga o Aiga Fuafuaina

Ua saunia auala e puipuia ai tina mai le ma'itaga e le'i fuafuaina. O lo'o tu'uina atu i Falema'i Fa'aitumalo uma ma Falema'i laity; ma o lona fa'amoemoe autu o lo'o fa'atatau i tama'ita'i ma ali'i matutua uma. O le fuafuaina fa'avava o tamaiti, e mafai ona fa'aitiitia ai le tulaga lamatia o le fanau mai o le isi tamaitiiti ae le'i leva ona fanau le isi. O le mafua'aga autu lena o le maliliu o isi pepe.

O Metotia Aiga Fuafuaina e aofia ai:

- ❖ Fualaa ole Microlut
- ❖ Fualaa ole Microgynon
- ❖ Fualaa Fa'alavelave Fa'afuase'i
- ❖ Tui Puipui Depo Provera
- ❖ Tui Puipui (Jadelle)
- ❖ Aiga Fuafuaina e fa'aaoga ai le Fa'aautagata
- ❖ Pa'u Fai feusuaiga mo Alii ma Tamaitai

O Fa'amanuiaga ole Fa'avavaina o Tamaiti e aofia ai le:

- ❖ Faateleina le malosia o Tina ma faaitiitia ai le popole
- ❖ tele atu le taimi e mafuta ai Tina ma le pepe

- ❖ maua taimi e mafuta ai le tinā ma le tamaititi ma faasoa ai le olaga tuputupu'ae o le tamaititi
- ❖ Soifua Maloloina o tamaiti e mafai ona fananau mai, aua o lea Soifua Maloloina foi le tinā ma le fa'avavaina o fanau
- ❖ Fa'aiti'itia popolega tau seleni

3. Faatinoina o Siaki o Tinā To

O le faia o siaki mo tina ma'ito, o se gaoigaga faifai pea e tu'uina atu i falema'i fa'aitumalo uma. E aofia i totonu o le Ta'iala mo nei auaunaga le vave fai o siaki o tina ma'ito, a'o le'i oo i le 20 vaiaso o le ma'itaga. O su'esu'ega mae'ae'a o tina ma'ito i le taimi muamua i Falemai uma e faatinoina e tausii soifua fa'atosaga ma foma'i. O le vave faatino o siaki e mafai ona vave iloa ai se faafitauli ma mafai ona vave tuuina atu mo togafitiga faapitoa. O loo faamauina i faamaumauga a le Matagaluega e mai le 100% o tina ma'ito na faatinoina siaki, e 80% o i latou sa asia le falema'i a'o le'i oo i le 20 vaiaso o le ma'itaga

4. Faafoega o Asiasiga Faasoifua Maloloina I Aoga

O se tasi o fuafuaga a le Matagaluega o le Soifua Maloloina o le faia lea o asiasiga i le atunuu atoa e aofia ai aoga ma nuu. O lenei galuega fa'atulafonoina a falema'i fa'aitumalo sa faia ina ia mautinoa o lo'o usita'ia a'oga uma i tulaga fa'alesoifua maloloina ma ia ola maloloina tamaiti.

5. Faafoega o Auaunaga I Aiga ma Nuu

O auaunaga o le soifua maloloina i aiga ma nuu o loo ofoina atu auaunaga faaauau mo gasegase ua fa'ate'a mai le falemai ina ia mautinoa le tausii lelei. E faapena foi i gasegase ua le toe aoga iai se togafitiga. O polokalame faagasolo a falema'i fa'aitumalo o loo atagia ai le lelei ona faafoe o le vaaiga o gasegase i aiga ma le tali atu i manaoga o tatou tagata.

LU'ITAU

Tulaga Utiuti o le Aufaigaluega

O le tulaga utiuti o le aufaigaluega i falema'i faapea auaunaga mo le soifua maloloina lautele o lo o faatumauina pea le avea ma lu'itau ile faatinoga o auaunaga o le soifua maloloina, ma ole ala foi lea e umi ai ona faatali le atunu'u i le faatinoga o auaunaga i falema'i fa'aitumalo ma falema'i tutotonu.

Ua maitauina foi le to'atele o le aufaigaluega fa'amavae ona ua faamanuiaina i tulaga maualuga tau galuega i isi matagaluega a le malo, faapea foi nisi ua faamanuiaina mo le nofo mau i Niu Sila, ma nisi ua malaga atu i galuega fa'avaitaimi. O le faafitauli, ua tuua e le aufaigaluega le Matagaluega, ae ua tele le sao o le Matagaluega na alu ai ile atina'ega o tomai ma agava'a i vaega ta'itasi o le auaunaga.

Faagaioiga o le Polokalame o le m-Supply

O le utiuti o le aufaigaluega o le lu'itau tele ilea ile fa'agaioiga o le polokalame o le m-Supply. Ua fia faagaioi le polokalame, ao le faafitauli e le o lava le aufaigaluega e faatinoa le polokalame lenei, ma o se tasi o mafuaaga o le tuai ona faatumu o avanoa faigaluega i le Faletalavai ma le Faletuolua o le Faletalavai.

O le isi foi faafitauli, o le faigata ona talia e nisi o le aufaigaluega o le faaaogaina o lenei polokalame fou, aemaise lava ile au galulue i totonu o falema'i i tua, oi latou ua silia ma le 20 ile 30 tausaga o galulue, ua faafaigata ona aoaoina ile faaaogaina o le polokalame.

Faafoga o Faamatalaga ma Faamaumauga o le Soifua Maloloina

O le lē atoatoa ona lelei ole Faamaumauga Faasoifua Maloloina, o loo fa'aaauu pea ona avea ma luitau ile tele o vaega o le auaunaga. O le foia o le faafitauli o loo tulai mai e tele lona sao ile Tuufaatasia ma le unaia o vaega nei ina ia faatumauina le lelei ma le maua o fa'amaumauga. E fesoasoani ile faaleleia ma le lelei ole auaunaga mo gasegase. O loo silasila le matagaluega o lea iai se suiga mai le faatinoina ole Poloketi mo fa'amaumauga faaneionapo ma foia ai lea faafitauli.

Mata'ituina ma le Iloiloga ole Fa'atinoga o Auaunaga o le Soifua Maloloina

O loo tumau pea le luitau ile mata'ituina ma le iloiloga o le faatinoga o auaunaga ole Soifua Maloloina mo le asiasia o poloketi ile tulaga e o gatasi ai ma le faiga faavae. Ua avea nei faafitauli ma ala e faatuputeleina ai le faaletonu ile aoina mai o fa'amatalaga, aemaise o le le mafai ona maua o fa'amaumauga ile ofisa tutotonu mo fa'amatalaga faasoifua maloloina. O le Tupaia ma le MSupply e leo mafai ona maua uma ai fa'amaumauga mo polokalame faatino ole soifua maloloina, e leo mafai foi ona oo atu i nisi o falemai ma nisi o vaega ole soifua maloloina le Tupaia ma le MSupply. E ui i lenei faaletonu, ae ole mautinoa ole lelei ole mataituina ma le iloiloga, e taua tele ile siita ole faatinoga o polokalame aemaise o aoaoga mo le manuia lautele. O loo silasila foi i itu nei e aofia ai le faia o aoaoga, ina ia siitia le tomai ma le lelei o mea faigaluega e avea ma fofo o lenei faafitauli.

UPU FA'AI'U

Ua au'ili'ili atu i lenei ripoti galuega na ausia e le matagaluega ma faatino mo le manuia o Samoa. O le galulue soosoo tauau faatasi o matagaluega taitasi a le malo, o paaga ale soifua maloloina faapea le mamalu o le atunuu, ua avea lea ma auupega malosi ma le taua e unaia le auaunaga faasoifua maloloina. O nei galuega uma sa faatino o loo tele lona sao ile unaia malosi ole manulauti o le Fuafuaga Alualu Mamao ole Soifua Maloloina, "O Samoa Soifua Maloloina".

E ui ile tele o luitau e feagai ma le auaunaga, e lei avea lea ma ala e taofia ai le faatinoga o matafaioi faatulafonoina e pei ona iai ile Tulafono ole Soifua Maloloina 2019. O loo fesoasoani foi le faatinoga o Vaega Faamuamua Faasoifua Maloloina e 7 ile atinaega ole auaunaga. E tele polokalame faalauiloa o loo auga faatasi ile tuu itiitia ole Faamai Le Pipisi aemaise o Faamai Ogaoga e aafia ai Totoga. O loo fa'aaauu pea le galulue faapaaga a Matagaluega ole Malo, paaga ale soifua maloloina ma le atunuu atoa mo le siitia o le auaunaga.

E fa'aiu ai se fa'amatalaga, e talitonu le Matagaluega, e ui lava ile tele o ana galuega ma polokalame fa'atino ua mafai ona ausia i totonu o lenei tausaga fa'ale-tupe, ae o lo o tele foi isi galuega e tatau ona fa'atinoina, ma e lu'itauina pea le fa'atinoga o auaunaga auā le Soifua Maloloina o o tatou tagata.